

bosansko-hercegovački magazin

Europa

januar 2014

Dijaspora je biser bačen u blato

Intervju: Željko Komšić

Numerološki horoskop za 2014. godinu



ISSN 1939-3423



ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

6065 Lake Forrest Dr.
Suite 200
Atlanta, GA 30328



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Ograničeni

16 2013. u BiH:

Niz propuštenih prilika

20 Intervju:

Željko Komšić:

SDP i SNSD učiniće sve da do

izbora ne dođe

24-25 Novogodišnje čestike

26 Društvo:

Dijaspora je biser bačen u blato

32 Nauka

34 Automobili

36 Film

38 Sport

39 Muzika

40 Zabava:

Numerološki godišnji horoskop

za 2014.godinu

46 Oglasi



*Sretnu i uspješnu Novu 2014.
želi Vam ekipa Europa Magazina!*



*Svim čitaocima pravoslavne
vjeroispovijesti želimo srećan Božić*

FOREIGN LANGUAGE SERVICES LLC

Vesna Galtere

**OVLAŠTENI SUDSKI TUMAČ ZA BOSANSKI I HRVATSKI
JEZIK**

usluge prevodjenja na sudu, kod liječnika i dr.
ovjereni prijevodi dokumenata: vjenčani, rodni list i sl.

**Registered and Licensed Court Interpreter
for Bosnian and Croatian language**

Cell: 404-735-4383

Fax: 480-247-4567

vgaltere@gmail.com

vgaltere@foreignlanguageservices.net

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona: 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900

fax: + 387 33 580 909

prodaja@hayat.ba

www.hayat.ba

Ograničeni

Dvije susjedne zemlje tijesno povezanih sudbina, Srbija i Bosna i Hercegovina, su dočekale novu – 2014. – godinu u potpuno suprotnim raspoloženjima: u Srbiji se proslavlja najavljeno januarsko otvaranje pregovora o pridruženju Evropskoj Uniji, a u Bosni i Hercegovini dominira mirenje sa još jednom izgubljenom godinom i potonućem na samo začelje balkanskih zemalja koje teže evropskoj budućnosti. Srbija je, u nastojanjima da ispuni uslove za otvaranje pregovora, ostvarila napredak i u odnosima s Kosovom iako se pred domaćom javnošću insistira kako od nje nije i neće biti traženo i priznanje Kosova.

Sadašnje političko vodstvo Srbije, koje je u preuzimanju vlasti dočekano s podozrenjem zbog pripadanja partijama Slobodana Miloševića i Vojislava Šešelja ratnih devedesetih, pokazalo je kako se u izboru najvišeg nacionalnog prioriteta – u ovom slučaju pridruženja Evropskoj Uniji – može napredovati i uprkos nasljeđu nedavne prošlosti: premijer Ivica Dačić mogao je zato zaključiti 2013. godinu “euroforičnim” izjavama kako za Srbiju Evropa više nije predizborna laž za dobijanje glasova već ostvarenje “decenijskog sna” i poziv da se Srbija pripremi za Evropu.

U sadašnjem političkom vodstvu Bosne i Hercegovine, na žalost, nema ni začetaka saglasnosti o najvišem nacionalnom prioritetu a još manje spremnosti da se u ime tog prioriteta prave i ustupci i preuzimaju rizici bez kojih napretka jednostavno ne može biti. Otkako je 2006. godine u ime obećanja “stopostotne Bosne i Hercegovine” odbačen međunarodno podržavani projekt postepenog jačanja bosanskohercegovačke državnosti pokazali su se potpuno bezizglednim i “probosanski” i “antibosanski” projekti – predstavljeni u krajnostima između željenog ukidanja ili otcjepljenja Republike Srpske – i obje su krajnosti imale paralizirajuće dejstvo na bilo kakve političke procese.

“Relativni pobjednici” bosanskohercegovačkih izbora 2010. godine vrlo brzo su ideju približavanja Evropi žrtvovali za daj-šta-daš postizborne koalicije u kojima je taj najviši nacionalni interes zamijenjen najnižim interesom: opstajanja na vlasti po svaku cijenu.

To odsustvo evropskog prioriteta i kriterija u aktuelnoj bosanskohercegovačkoj politici najdrastičnije se pokazuje u nesposobnosti da se razumije – i onda naravno i da se provede – inače sasvim jasan evropski zahtjev iz presude “Sejdić-Finci”: omogućavanje svakom građaninu da se kandiduje za najviše državne funkcije. U političkim elitama, iznjedrenim iz ustavno nakaradne ideje

dominacije “konstitutivnih naroda”, čak se i tako jednostavan zahtjev uspijeva potisnuti u stranu insistiranjem na zahtjevu da se u traženju rješenja za ravnopravnost pripadnika manjina nađu i rješenja koja će garantovati da “jedan narod neće birati predstavnike drugog naroda”. Time se, naravno, ustavno sankcionirani aparthejd podiže na nivo najvišeg principa i vrijednosti u direktnoj suprotnosti s idejom ravnopravnosti manjina i građanina.

Pred osmom godišnjicom odsustva bilo kakvog značajnijeg kretanja prema Evropi, otužno zvuče utješna uvjeravanja kako se možda i nismo pomakli, ali smo danas ipak znatno bliže Evropi jer sada s Evropom dijelimo onih 932 kilometra granice s Hrvatskom

Pri tome se takozvani politički lideri, koji nikuda ne vode, ubiše dokazujući uz naklonost medija kako je pridruženje Evropi ionako “na dugom štapu” – pa, eto, i ne treba žaliti za još jednom izgubljenom godinom; kako je i Evropa u kandžama krize i kako je i sama njena budućnost neizvjesna pa, eto, i nema razloga žaliti ni za desetinama miliona dolara izgubljenih pristupnih fondova. Sve to dok istovremeno Evropska komisija objavljuje dodjelu 178,7 miliona eura pomoći Srbiji iz pristupnih fondova za provođenje reformi u područjima vladavine prava, javne administracije, socijalne uključenosti, privatnog sektora, saobraćaja, okoline, energetike i poljoprivrede.

Naslonjeni na odsustvo tradicija uređene pravne države – i antievropske i uopšte antizapadne sentimente u dijelu javnosti vaspitavanom na odbojnosti prema “stranom diktatu” – vođe sva tri etnička predznaka uspijevaju da izbjegnu afirmaciju eurokompatibilnosti kao vrhunskog kriterija uspješnosti njihovog rada.

Paradoks je više nego upadljiv: dok Hrvatska proslavlja ovogodišnji prijem u Evropsku Uniju kao njena najmlađa članica, a Srbija oduševljeno očekuje početak pregovora u januaru, stranke čija je samoproklamovana misija da predstavljaju nacionalne interese bosanskohercegovačkih Srba i Hrvata aktivno onemogućuju da i Bosna i Hercegovina napravi korak u tom smjeru, a „probosanske snage“, kako se, iz ko zna kakvih razloga, nazivaju partije bošnjačkog predznaka, ne uspijevaju artikulirati svima prihvatljivu viziju zajedničkog interesa – makar u tom cilju približavanja Evropi – niti pridobiti partnere za premošćivanje dubokog jaza koji dijeli bosanskohercegovačka konstitutivna plemena.

Pred tom provalijom, i osmom godišnjicom odsustva bilo kakvog značajnijeg kretanja prema Evropi, otužno

- ako ne i podrugljivo - zvuče utješna uvjerenja da smo danas bliže Evropi jer s Evropom dijelimo 932 kilometra granice s Hrvatskom. Još kad se tome u dogledno vrijeme doda i 249 kilometara granice s Crnom Gorom i 357 kilometra granice sa Srbijom - kad i one postanu članice Unije - Bosna i Hercegovina će sa svih strana biti okružena Evropom: ostavljena da godinama uzaludno traži rješenje za evropski standard jednakosti građana pred zakonom.

Kemal Kurspahić
Radio Slobodna Evropa



Maxo & Associates, LLC
Vrijeme za takse 2014

HIDO MAKSUMIC
Dipl. Accountant

Personal & Corporate Taxes,
Bookkeeping, Professional Consulting

Cell: 404.429.6379
E-mail: h_maksumic@yahoo.com

155 Gwinnett Dr, Suite D-2A, Lawrenceville, GA 30046



Dino Multi-Services

DMS **PREVODI, NOTARSKI I ADMINISTRATIVNI POSLOVI**

Pružamo usluge:

- Notara, Apostille (međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO

LERO TRAVEL
Phone 404-660-0910

Enver Šejtanić



1405 Wheatfield Drive
Lawrenceville, GA 30043

enver@lerotravel.com
Save money Book online

www.lerotravel.com

LION TAIL
REALTY, LLC



PRODAJETE ILI KUPUJETE KUĆU?
ZA MENE BITI REALTOR ZNAČI
MNOGO VIŠE OD PRODAJE KUĆE
MOJE USLUGE SU FOKUSIRANE NA
USPJEH U OSTVARENJU VAŠIH SNOVA

Direct:
(678) 735-8397
Suada@LionTailRealty.com
LionTailRealty.com

Suada Nisic Realtor®
HUD Expert, Buyer's Advocate, Listing Specialist



JEFTINE AVIONSKE KARTE LLC
Samo Ptice Lete Jeftinije



Jazmir Bešlija
owner

336 Springhaven Rd,
Lawrenceville, GA 30046

Tel 770.963.9684 ili 770.963.9685
Fax 888.404.8088
TravelBiH@hotmail.com
www.TravelBiH.com

Mogući socijalni nemiri u BiH kao i u drugim državama širom svijeta

BiH spada u red država kojim prijete veliki socijalni nemiri u ovoj godini objavio je "The Economist".

Obavještajno odjeljenje uglednog britanskog magazina uradilo je tabelu rizika od socijalnih nemira u 150 država širom svijeta, a BiH je svrstana u crvenu zonu.

U toj zoni, BiH se nalazi zajedno sa Argentinom, Grčkom, Bolivijom, Egiptom, Irakom, Libanom, Libijom, Venecuelom i Zimbabveom.

Za nijansu niži rizik, kada je riječ o državama u našoj blizini, prisutan je u Albaniji i Hrvatskoj, dok su se Srbija i Slovenija našle među zemljama sa srednjim rizikom od masovnijeg izražavanja nezadovoljstva.

Većina bh. analitičara, komentarišući analizu spomenutog britanskog magazina, smatra da masovnijeg izražavanja revolta, ipak, neće biti.

Pojedine grupe, podsjećaju analitičari, već su organizovale proteste, poput onih maslovnih zbog matičnog broja u Sarajevu, ali je riječ o rijetkim slučajevima.

Nema masovnih socijalnih nemira

Tanja Topić, politički analitičar, ne očekuje velike socijalne nemire i proteste na nivou BiH, već kaže da može doći do pojedinačnih "akcija" pojedinih socijalnih grupa, koje bi izrazile svoje nezadovoljstvo, prvenstveno u FBiH.

"Mislim da ne postoji sinergija u bh. društvu da bi moglo doći do velikih socijalnih protesta i nemira u ovoj mjeri u kojoj ih najavljuje 'The Economist'", naglasila je Topićeva.

Međutim, Zoran Pavlović, ekonomski analitičar, smatra

da su problemi mogući već od ovog mjeseca.

"Stanje ekonomije je takvo da se u kratkom roku ne mogu očekivati značajni prilivi novčanih sredstava. Verovatno je moguće da će doći i do kašnjenja plata iz budžeta, penzija... To bi sve vrlo lako moglo da rezultira različitim buntovima", kaže Pavlović.

Avad Bahto, potpredsjednik Saveza samostalnih sindikata BiH, oslanjajući se na iskustvo u prethodnim godinama, skeptik je što se tiče mogućnosti za organizovanje većih nemira.

"Moguće je da bude nekih nekontrolisanih nemira koji će buknuti pa se ugasiti, ali bez efekтираja nečim što je opšta okrist", rekao je Bahto.

Proteste pokreće finansijska kriza

"The Economist" u svojoj analizi piše da su socijalni nemiri sve češća pojava širom svijeta. Zajedničko im je, ističu u ovom magazinu, to što ih je pokrenula finansijska kriza, koja traje godinama.

"Iako su ekonomski problemi gotovo nužni za ozbiljnu društvenu ili političku nestabilnost, oni nisu dovoljni", piše "The Economist" te dodaje da faktori poput velikih razlika u prihodima, loša vlast i slabi socijalni programi takođe izazivaju nemire.

Inače, u spomenutoj analizi navedeno je da zemlje poput Australije, Kanade, Finske, Njemačke i Švedske imaju veoma mali rizik od nemira, dok se socijalni nemiri sigurno u narednoj godini, tvrde u ovom magazinu, neće desiti u Austriji, Danskoj, Japanu, Luksemburgu, Norveškoj i Švajcarskoj.



Michael E. Carroll & Associates, LLC Attorneys At Law

**Michael E. Carroll, Esq.
&
Christopher S. Walker, Esq.**



Radimo u oblastima:

Osobne povrede zadobivene:

- * Na radu
Worker's compensation**
- * U saobraćajnim nesrećama
Car accident**
- * Krivično pravo
Criminal Law**
- * Bankroti**
- * DUI**

Call:

**Satellite Court
2250 Satellite Boulevard, N.W.
Suite 205
Duluth, GA 30097**

678-473-9472

**Advokati s dugogodišnjim iskustvom
u radu s osiguravajućim društvima,
sada mogu svojim iskustvom pomoći
u rješavanju Vašeg slučaja.**

- PREVODILAC NA RASPOLAGANJU -

Čistke s prljavom pozadinom

M Među brojnim praznim floskulama i veoma upitnim zahtjevima koji se od nekih krugova žele nametnuti i u BiH nalazi se i zahtjev da se primijeni jedna metoda političkog progona koja se naziva lustracijom..

Zastupnici tog zahtjeva tvrde da bi to bio siguran i efikasan način da se osigura brži i efikasniji napredak demokracije. To bi, prema njima, ujedno bila i veoma potrebna mjera opšteg temeljitog očišćenja našeg društva i korisna akcija koja treba da odstrani političke saradnike bivšeg, navodno, zločinačkog režima.

Upitna mjera

Ova mjera bi se vršila tako da bi takvi ljudi bili isključivani iz javnog života. Osim što je takva mjera upitna s mnogo stajališta, a posebno po tome što bi izazvala novi val podjela i sukoba u društvu, ona je posebno upitna zbog svoje jednosmjernosti. Ona automatski isključuje iz lustracije sve one koji su vršili zločinačke akcije i represiju u sada vladajućim režimima i takve ljude abolira od odgovornosti. Režime za koje svi vidimo i znamo da primjenjuju veliki obim represije ona kvalificira kao demokratske i moralne, mada se njihova amoralna i nedemokratska priroda vidi i golim okom.

Mjera lustracije se sastoji u odluci, a nije poznato čak ni

ko bi i kakvu vrstu takve odluke i s kojim uporištem u pravu donosio, o isključivanju određenog broja ljudi iz prava da aktivno učestvuju u javnom i političkom životu zemlje. Zbog dalekosežnosti jedne takve mjere po temeljna ljudska prava i nepoznatog broja ljudi koje bi ona obuhvatila, nužno je, prije svega, utvrditi šta znači pojam lustracija, da bismo znali šta njegova eventualna primjena implicira.

Ključ značenja pojma lustracije krije se u samom značenju te riječi. Ona je latinskog porijekla i potječe iz obreda nazvanog lustrum, koji je obavljao svećenik u hramu, a koji se sastojao u očišćenju hrama i svećenika. Odatle je u upotrebu ušlo mnogo izvedenih riječi u čijoj je osnovi pojam čistoće. Zato je i riječ lustracija u značenju očišćenja ili čišćenja, osvjetljavanja, glačanja, dovođenja do sjajnosti i slično.

Naša riječ za pojam lustracija je čistka. Oni koji su živjeli u komunizmu i koji poznaju teorijsku elaboraciju i pokušaje njegove istorijske realizacije dobro znaju šta ona znači. Njoj je značenje dao Staljin u svojim predavanjima iz 1926. godine, koja su objavljena pod naslovom: „Osnovi lenjinizma“. On je čistku protumačio kao glavnu metodu održavanja komunističke partije u zdravom akciono sposobnom stanju. Njegova formulacija je glasila: „Partija se jača stalnim čišćenjem od stranih elemenata“.





SUNNE LAW

Tough Advocacy & Compassionate Counseling

Call for a free Workers' Compensation case evaluation.

Nazovite za besplatnu konsultaciju. Nakon razgovora bit ćete sigurni da saradujete sa najboljim advokatom u Džordžiji

After talking to Celia Sunne, you will be confident that you hired the Best Attorney in Georgia.

404-240-0975

651 Dallas Street, NE, Suite B, Atlanta, GA 30308

InjuryLawyerAtlanta.net



Sunne Law has been representing the Injured Worker for over 24 years.

Sunne Law radi u oblasti povreda na poslu preko 24 godine

Primjena te metode bila je nametnuta svim komunističkim partijama, pod pojmom boljševizacije. Lustracija je, u političkom kontekstu, dakle, apsolutno izum totalitarnosti duha i metoda vođenja politike. Upravo zahtjev za takvom metodom u našoj zemlji i dolazi najviše i najčešće od onih snaga koje su i same sklone autoritarizmu, nacionalizmu i totalitarizmu.

Kad se bliže pogleda, može se konstatovati da, u biti, nema nikakve razlike između primjene lustracije u praksi komunističkih stranaka i one koja se danas, od nekih desnih stranaka i grupa, preporučuje i traži i na našem prostoru. Lustracija nije pojam blizak demokratskoj praksi, a demokratske zemlje izvršile su samo lustraciju fašista.

Ta lustracija izvršena je na temelju legaliteta i legitimiteta koji je proistekao iz presuda Međunarodnog suda za ratne zločine u Nirnbergu, kao i na temelju odluka konferencija svjetskih lidera u Teheranu, na Krimu i u Potsdamu. Tada je, kao zločinačka, definirana nacistička država, a kao zločinačke organizacije - nacistička stranka i njene vojne organizacije kao što su Gestapo i SS formacije.

Ni za jednu od država nijedna međunarodna organizacija ili tijelo kasnije nije donijelo slične odluke i definicije, pa su sve slične definicije samo dio političke borbe koja se vodi među različitim političkim orijentacijama.

Frizirani spiskovi

Pripadanje bilo kojoj legalno utemeljenoj političkoj grupi, ako ne podrazumijeva konkretne zločinačke akte, ne može

biti ni na koji način sankcionirano sa stajališta prava, ali i morala, pogotovo s tačke gledanja i prirode demokratske politike. Ako je demokratska, ona mora jednako na sve ljude raspodjeljivati pravo učešća u zajedničkim stvarima, odnosno u sferi onog što je opšta stvar.

Karakteristično je da i rječnik koji upotrebljava većina onih koji traže lustraciju u našoj zemlji potpuno koincidira rječniku koji je u političkom žargonu čistki bio primjenjivan u boljševičkoj politici.

Svi famozni spiskovi špijuna i saradnika tajnih službi su dokumenti samih tajnih službi. A poznato je da se njihovi pripadnici nasljeđuju i da se, posebno oni važni, nikada i ni pod kakvim uslovima ne odaju. Stoga se svi ti navodni dokazi moraju uzeti s velikom dozom sumnje i opreza.

U političkoj borbi, koja postaje sve prljavija, ljudi postaju izdajnici, špijuni, saradnici službi i neprijatelja koji nose kodna imena. Na njih se odnose apsolutno nedokazane i, što je još bitnije, nedokazive optužbe. To govori o sadržajnoj praznini i manipulativnoj naravi, ali i ideološkoj nabijenosti takvih stavova. Oni ne izražavaju ništa drugo nego fundamentalnu netrpeljivost jednih prema drugim ljudima.

Sav ružni politički i moralni naboj takvih optužbi i pogotovo vokabular koji je jednak i kod nacista, nacionalista, boljševika i navodnih današnjih demokrata treba odbaciti. Njima ne treba pružati mogućnost da još više zagađuju naš ionako već obilato zagađen javni prostor.

Milijarde maraka se krađu kroz javne (ne)nabavke

BiH se nalazi na 72. mjestu na listi od 177 zemalja kada je riječ o stepenu korupcije. Kuriozitet je korupcija kroz postupak javnih nabavki gdje se "peru" milijarde maraka.

Stotinu maraka ili evra postalo je normalna "obaveza" pri posjeti recimo nekoj zdravstvenoj ustanovi u BiH mada i tu ima izuzetaka jer ukoliko se radi o većem problemu, veća je i tarifa. I to se događa svakodnevno u čemu učestvuje ogromna većina građana, što je javna tajna. Međutim u cijeloj ovoj priči, najsnažnija korupcija je u sistemu javnih nabavki, gdje se godišnje "obrne" doslovno milijarda maraka. I to je samo ono što se zna, kažu u Udruženju za borbu protiv korupcije u javnim nabavkama, "Tender". Rajko Kecman, predsjednik ovog udruženja kaže da je BiH jedna od najkorumpiranijih zemalja u svijetu, s obzirom na transparentnost postupaka: "Korupcija u BiH dostiže do jednu milijardu maraka na godišnjem nivou, od ukupno 4 milijarde koliko se godišnje utroši sredstava u javnim nabavkama roba i usluga na nivou BiH".

Aneksi ugovora, oznake tajnosti, direktan izbor...

To znači da se veliki dio poslova u BiH sklapa po principu "oči u oči" bez javnog poziva. Ukoliko i postoji javni poziv, on je, tvrde u "Tenderu" u većini slučajeva namješten, da bi se naknadno aneksima ugovora povećavala cijena koštanja projekta. Najbolji primjer za to su pojedini ugovori koji su sklapani za izgradnju dionice autoputa Banjaluka - Gradiška za koje je tadašnji glavni revizor Boško Čeko utvrdio da se radi o višestrukome povećanju cijene autoputa: "Mi smo tu utvrdili brojne anomalije. Za tu dionicu, Banjaluka - Klačnice, cijena je 22 miliona maraka po kilometru ili negdje oko 129 miliona je koštao cijeli taj put".

Mnogi se slažu da su javne nabavke najunosniji posao u BiH, koji vješto koristi vrh političke piramide u BiH. Postojeći Zakon o javnim nabavkama je loš, nedorečen jer otvara mogućnost za korupciju. Siniša Vukelić, urednik portala Capital, kaže da je najunosniji posao u građevinarstvu u izgradnji puteva. "Postoji nekoliko mehanizama kako da se izbjegava Zakon o javnim nabavkama. Država se skriva iza člana koji nosi oznaku tajnosti i direktno bira izvođača, kao što je to rađeno u slučaju obnove palate predsjednika RS, za koju je utrošeno oko 11 miliona maraka".

Unosan posao je i nabavka automobila, gdje se kao uslov daje brzina isporuke, što može ispuniti samo onaj sa kim je ranije dogovoren takav posao. "Oni su zaista usavršili sve mehanizme kojima izvlače nekažnjeno novac građana BiH. Primjer ne postoji jer niko za to nije kažnjen", kaže Vukelić.

Agencija za javne nabavke pratila je 577 postupaka javnih

nabavki u 2012 godini. Na naš upit da saopšte da li je i koliko u posljednje dvije godine bilo netransparentnih procedura, rekli su da postoji razlika između "nabavki male vrijednosti" te nas uputili na web stranicu agencije. Rajko Kecman upozorava da je problem upravo nerad Agencije za javne nabavke. Pored toga, kaže Kecman, kancelarija za žalbe, drugostepeni organ, kaznio je samo 14 ugovornih organa sa novčanim kaznama od 500 do 1000 KM: "Kada se sve to sabere vidimo da je takav odnos agencije i kancelarije upravo ohrabrivao i podsticao korupcionaše u ugovornim organima i ponuđačima da pljačkaju javna sredstva".

BiH se nalazi među zemljama sa opasnom stopom korupcije, koja utiče na sve segmente života njenih građana. Podaci pokazuju da BiH stagnira u borbi protiv korupcije, te da nikakvi ozbiljni naponi vlasti nisu učinjeni koji bi mogli uticati na percepciju korupcije. U RS se ne bi složili sa ovom konstatacijom jer su prije par dana usvojili strategiju borbe protiv korupcije do 2017. godine, iako ni rezultati prethodne strategije još nisu vidljivi. Ivana Korajlić iz Transparency International-a BiH strahuje da je strategija samo mrtvo slovo na papiru: "Mislim da strategija sadrži mnogo toga a da ne definiše konkretno kroz akcioni plan, detaljno, koje će to biti aktivnosti koje će doprinijeti borbi protiv korupcije u RS".

Milioni za pojedince

Strategija borbe protiv korupcije u RS je samo deklarativni document, smatra i Dragan Čavić, lider Narodnog demokratskog pokreta: "Za suštinsku borbu protiv korupcije potrebna je volja. A ta volja znači volja da se neko stavi iza brave, zato što je zloupotrijebio javna sredstva i stekao imetak on ili neko kome je on namjestio posao".

A primjera je dosta, kaže Čavić: "Odgovorite mi, kako je moguće da firma 'Fruit eko' dobije tri miliona kredita iz IRB-a, da danas podnese zahtjev a sutra dobije pare. Zašto je taj kredit odobren, zato što je suvlasnik sin tadašnjeg predsjednika Vlade (Milorad Dodik op.a). I to je vama normalno...i mi pričamo ovdje o korupciji".

BiH je na listi stepena korupcije ispod Slovenije koja je na 43. mjestu, Hrvatske koja je na 57. mjestu, Crne Gore i Makedonije, koje dijele 67. mjesto. U regiji, jedino je Kosovo ispod BiH na 111. mjestu. Problem korupcije uglavnom nije u zakonima već u odsustvu njihove primjene i saradnje svih u lancu procesuiranja odgovornih. Neprocesuiranje odgovornih samo govori u kakvom su odnosu svi učesnici u piramidi korupcije, koja je svake godine sve veća u BiH.



Rajko Kecman predsjednik udruženja građana "Tender"



ST. LOUIS, MO 314-338-5156

Slanje paketa U.S.A.-BiH

**Pakete dostavljamo direktno na kućne
adrese u Bosni i Hercegovini**

**EMC Cargo St. Louis Vam omogućava
najjednostavniji, najjeftiniji i najsigurniji
način dostave svih vrsta pošiljki:
(paketa, putnih torbi, robe na paletama) u BiH.**

**\$ 99.00 po paketu/torbi
bez obzira na težinu, uključujući i
dostavu na kućnu adresu !!!**

**EMC Cargo St. Louis
Transport paketa iz U.S.A.
na kućne adrese u BiH**

314-338-5156

Jagma entiteta oko državnog novca

UBanjaluci je održana sjednica Skupštine državnog preduzeća "Elektroprenos BiH". Osim čestitiki novom direktoru, nije dogovoreno ništa konkretno. Izražena je samo nada u skorbu raspodjelu novca.

Na skupštini akcionara "Elektroprenosa BiH" trebala je biti utvrđena kadrovska struktura s obzirom da je postojećoj odavno istekao mandat ali to se nije desilo. Donijeta je odluka da se uđe u formiranje nove uprave, bez konkretnih poteza te zaključeno da se donesu investicioni planovi, takođe bez konkretnih rješenja. Premijer RS Željka Cvijanović: "Kada je u pitanju investiranje potvrđeno je da će se ono vršiti u prenosnu mrežu na osnovu kapitala, što znači za Federaciju BiH 58,89 i RS 41,11 odsto".



Nismo pijani milijarderi

Ovi podaci su bili poznati i prije nekoliko godina kada je formiran "Elektroprenos", ali se bez obzira na to nakon svake skupštine ponavlja jedna te ista priča o usvajanju finansijskih izvještaja i investiranja.

Ono što muči oba entitetska premijera je novac koji je planiran u budžetu za ovu godinu, a kojeg je blokirala SDA u Domu naroda, stavljajući veto na izmjene zakona o Elektroprenosu. Nermin Nikšić, premijer Federacije BiH, tvrdi da nikom nije u cilju da zloupotrebi državni novac: "Ne ponašamo se kao pijani milijarderi koji su došli tu da uzmu novac, podjele ga, prokrčme i sutra se probude i ne znaju šta se desilo a uz to da BiH ostane bez električne energije, kako su neki prognozirali".

Kada je formiran "Elektroprenos", 2006., definisano je da narednih deset godina nema raspodjele sredstava entitetima. To je promijenjeno novim zakonom koji je ekspresno usvojen u Savjetu ministara i Parlamentu BiH ali je SDA stavila veto na njega, smatrajući da se radi o ugrožavanju funkcionisanja državne kompanije.

Upozorenja od EU

Protiv trošenja sredstava sa računa "Elektroprenosa", prije desetogodišnjeg definisanog roka, su i predstavnici međunarodne zajednice u BiH.

Smatraju da će se to negativno odraziti na funkcionisanje visokonaponske mreže u BiH. "Tek kada se ustanovi koliko je potrebno za održavanje i dalji razvoj električne mreže, može se odlučiti o tome koliki je iznos novca koji se može podijeliti među dioničarima odnosno entitetima", kaže zamjenik visokog predstavnika Tamir Vaser.

To mnogo ne brine entitetske premijere, jer oni imaju samo jedan cilj: raspodjela novca. Premijerka Željka Cvijanović kaže: "Priča o tome kako je nešto ugroženo, kao što je funkcionisanje kompanije ili investicije zato što su akcionari odlučili da uvedu reda u rad ove kompanije i naravno da podjele dobit zato što na to imaju pravo, je apsolutna besmislica".

Mreža u raspadu

Međutim predsjednik sindikata "Elektroprenosa" Mevludin Kuljanin kaže da su entiteti zaboravili na prava zaposlenih, na udio u neto dobiti kompanije. On tvrdi da postoje radnička potraživanja iz 2011. i 2012. godine ali i da je elektromreža u katastrofalnom stanju jer u nju nije ulagano više od 6 godina: "Od samih dalekovoda, širenja mreže. Treba graditi nove objekte, nove trafostanice, ali i postojeće su dotrajale...to su ogromna sredstva".

Nakon gotovo godinu i po Upravni odbor Elektroprenosa je izabrao novog direktora ove kompanije, Matana Žarića. Žarić je izabran na period od četiri godine a do sada je bio direktor "Elektroprivrede HZHB". "Elektroprenos BiH" osnovan je 2006. godine nakon velikih pritisaka međunarodne zajednice. Cilj joj je održavanje prenosne elektromreže i izgradnja ostalih pratećih kapaciteta. Danas "Elektroprenos" na svom računu ima preko 250 miliona maraka što je i osnovni razlog tolike brige entiteta oko ove kompanije.



Zia Travel

Independent Travel Agent
Raziya Poric

6414 A. Hampton Ave, Suite 3
St. Louis, MO 63109

314-638-7347

toll free 877-540-6729

cell 314-600-3265

ziatravelstl@yahoo.com



VIRTUAL PROPERTIES REALTY

Osman "Cico" Vujinovic

cell: 404-550-8054
fax: 404-641-1831
e-mail: osmanvu@gmail.com

**Specijalnosti:
bankovne kuće,
foreclosure i HUD kuće**

posna i hercegovina



GLEDAJTE TV KANALE NA IPHONE/IPOD/IPAD BESPLATNO!



**BESPLATNO NA
APP STORE "FASTV"**

www.FASTV.com • 1-866-639-8911

Najplaćeniji funkcioneri u BiH:

Preko 20.000 eura za mjesec

Spisak od 100 najvećih plata u javnom sektoru u FBiH pokazao je da su primanja i do 50 puta veća od prosječnih plata u državi, da su najplaćeniji oni čije su firme bile akteri najvećih afera u prošloj godini, te da su službenici plaćeniji od gradonačelnika ili premijera. Jednako, ovo je pokazalo koliki je nemoral i socijalnu neosjetljivost država dozvolila.

Nemoravno, bezobrazno, neodgovorno - tek su neki od epiteta koji bi se mogli navesti uz informaciju o stotinu najvećih plata u javnom sektoru u FBiH, a koje se finansiraju uglavnom iz džepova građana. Ovisno od mjeseca, kreću se od 25 do 50 prosječnih plata na nivou države, odnosno od 10, pa do preko 20 hiljada eura. Najveću platu u tri mjeseca, za koliko je federalna poreska uprava dostavila podatke, ostvario je bivši direktor Bosnalijeka Nedžad Polić, i to preko 20 hiljada eura. Ovoliku platu dobio je dva mjeseca nakon što je dao otkaz. Među najvećim platama su i brojne kolege iz Bosnalijeka na raznim funkcijama, i to u vrijeme dok se ova firma borila sa najvećim posljeratnim aferama.

Dok finansijska policija ovih dana češlja poslovanje kompanije koja je u višemilion-skoj dubiozi, čelni ljudi mostarskog Aluminija ubirali su od 6,5 do 12 hiljada eura mjesečno. Ne treba zaboraviti da su njihova primanja aminovali oni koji ih danas prozivaju - političari, navodi Adis Arapović iz CCI:

„S ovog spiska 95 posto ljudi su ili članovi političkih stranaka, vladajućih u momentu njihovog imenovanja, ili su njihovi simpatizeri. Iste te stranke su omogućile zakonski ambijenti i dovoljnu fleksibilnost upravama i rukovodiocima da sami sebi omogućavaju ovaj nivo nemorala i da zato nikome ne odgovaraju. Prosto je nevjerovatno da u ovoj zemlji plata premijera ili šefa hirurgije bude pet, 10 ili 15 puta manja od plate nekoga zaposlenog u nekom javnom preduzeću ili javnoj instituciji na trećerazrednoj poziciji“, kaže Arapović.

Tako je, recimo, sekretar Gadske uprave Sarajeva Elvir Hadžiahmetović plaćen više nego gradonačelnik ili premijer Federacije.

Bezobrazno visoka primanja su i Sarajevo osiguranju, dok je jedno od najvećih iznenađenja Srećko Glibić, načelnik Operativnog centra MUP HNK sa platom od 12.000 eura. Samo ove brojke i osobe koje stoje iza njih razlog su za bunt, kaže Arapović:

„Ovo je skup potpuno irelevantnih moralnih čestica koje su iskoristile priliku koju im je dao politički establišment da

bezgranično iscrpe, iscijede sve resurse koji su im bili na raspolaganju. Mogli su oni izabrati da im plata bude puno manja. To bi bio dokaz da je neko od njih drugačiji. Međutim, ovo što ovdje vidimo na spisku, ovo je po mom sudu možda prekretnica u obračunavanju sa karcinomom koji ovo društvo jede, a to su nepotizam, korupcija i politizacija.“

Ni Drina ih ne bi oprala

Političari, kojima je interes etnosa važniji od države, su i stvorili ovakav sistem socijalnog raslojavanja, koji je dosegao moralno dno, kaže sociolog, profesor na FPN u Sarajevu Hrdajet Repovac:

„Imamo na jednoj strani mali broj bogatih, koji se i dalje bogate zahvaljujući podršci vjerovatno stranaka i stranačkih lidera, a na drugoj strani se produbljuje siromaštvo. Na ulicama ljudi skupljaju otpatke hrane oko kontejnera, i to jedan veliki broj, intelektualaca čak koji su spali na minimalne penzije ili na minimalne plate. A na drugoj strani imate one koji imaju i po 10, 20 veću platu od prosječne. To je problem države. U normalnoj državi to ne bi bilo moguće“, naglašava Repovac. Ni za građane, od kojih svaki peti živi od eura i po dnevno, opravdanja nema...

ANKETA

Činjenica je da su političke stranke kroz parlament ozakonile ova primanja, ali to ne znači da ih neće srezati, navodi Besima Borić, zastupnica u federalnom parlamentu:

„Ja sam sigurna da će Parlament FBiH pokrenuti inicijativu da se dogode te izmjene i da će zahtijevati od Vlade da se to preispita i da se uskladi s onim što su realna situacija i mogućnosti u FBiH“, kaže Besima Borić.

Pred Goraždaninom Dževadom Čosovićem, ni Drina ih ne može oprati za ovakve iznose:

„Ne radim 19 godina, ne primam ništa, niti mi radi ko iz familije, niti šta prima - a poručio bih tom gospodinu, vidio sam ga prvog na spisku, Polić se zove, 41.794 marke ima platu - s tom njegovom jednom platom ja bih riješio svoje familijarno pitanje za sva vremena“, kaže Čosović.

Ne treba onda da čudi zašto je u BiH stanje kakvo jeste. U zemlji u kojoj se lijeva smetala po raznim institucijama kite sa platama dvostruko većim od one koju imaju državni i federalni tužilac, jasno je da nema ni reda, ni uspostavljenih društvenih vrijednosti.





FASTV

NOVO HAYAT PAKET OD SAD NA FASTV!



ZA SAMO **\$20**
Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

2013. u BiH - niz propuštenih prilika

P prvi popis stanovništva u nezavisnoj BiH i neuspjeh u provođenju odluke „Sejdić i Finci“ su neki od političkih događaja koji su obilježili 2013. Tu su i protesti za JMBG ali raskid partnerstva SNSD-a i SDS-a.

Početak 2013. godine objavljena je američka inicijativa za reformu Ustava Federacije BiH. Cilj inicijative je učiniti ovaj bh. entitet efikasnijim i racionalnijim. Federacija BiH (FBiH) je kanton sa složenom teritorijalnom organizacijom i ustavim ustrojstvom. Ispostavilo se da je administracija u 10 federalnih kantona skupa, neefikasna i, prema ocjeni analitičara, na dugoročnom planu neodrživa. Krajem 2013. uobličena je prijedlog novog ustava FBiH o kojem bi se uskoro mogli izjasniti i poslanici u Federalnom parlamentu.

Direktor Međunarodnog instituta za bliskoistočne i balkanske studije Zijad Bećirović podsjeća da je sa pričom o rekonstrukciji FBiH aktualizirano i pitanje trećeg entiteta. „Američka inicijativa o preustroju FBiH može biti Damaklov mač. Postoji realna opasnost da se Evropska unija stavi u funkciju Dragana Čovića i njegove političke grupacije čiji bi interesi mogli biti stvaranje trećeg entiteta“, kazao je Bećirović.

Sporna Budimirova pomilovanja

26. aprila 2013. pritvoren je predsjednik FBiH Živko Budimir. Budimir je osumnjičen za zloupotrebu položaja, odnosno da je iz koristoljublja potpisivao pomilovanja brojnim osuđenima u FBiH. Ovo hapšenje se u bh. javnosti različito tumačilo. Jedni su tvrdili kako je riječ o odlučnom obračunu s



kriminalom u vrhu vlasti, dok su drugi govorili kako je riječ o političkom obračunu jer se Budimir, kao predsjednik FBiH, suprotstavio „jednostranim“ pokušajima rekonstrukcije vlasti u FBiH.

Protesti za JMBG - propuštena šansa?

Početak juna 2013. godine u Sarajevu je, u organizaciji građanskih aktivista, upriličen niz protesta za jedinstveni matični broj građana (JMBG). Revoltirani viješću o bolesnoj tromjesečnoj bebi koja, zbog toga što nema JMBG ne može dobiti pasoš i otputovati na liječenje u inostranstvo, građani su blokirali zgradu državnih institucija (Parlament i Vijeće ministara) u kojoj su noć proveli bh. parlamentarci, ali i strani državljani, učesnici konferencije „European Fund for Southeast Europe“.

Istovremeno su, ograđujući se od motiva sarajevskih akti-

vista, i banjalučki studenti upriličili demonstracije nezadovoljni uslovima smještaja u studentskim centrima. Po mišljenju mnogih stručnjaka, ispostavilo se da je BiH još uvijek duboko podijeljeno društvo u kojem su različiti nacionalni interesi suprotstavljeni zajedničkom građanskom djelovanju na nivou cijele države.

Urednik portala Buka Aleksandar Trifunović vjeruje kako se ne treba zanositi da će to stanje biti promijenjeno preko noći. „Međutim, JMBG se tiče svih nas i tu je potrebno zajedničko djelovanje. To je dobro, sve dok se ne politizira, dok ne predstavlja skupljanje političkih poena za neku političku opciju. To pokazuje da građani imaju elementarno dostojanstvo da se bore za ono što im pripada“, kaže Trifunović.

Ulazak Hrvatske u Evropsku uniju (EU) 1. jula 2013. istorijski je datum i za BiH na čije je granice konačno stigla zajednica evropskih naroda. Pred BiH se tako našlo mnoštvo novih obaveza, prije svega one koje se odnose na regulisanje graničnih prijelaza u skladu sa standardima EU. Ulaskom Hrvatske u EU otvorena su brojna, prvenstveno trgovinska pitanja. Umjesto CEFTA-e, sada je trebalo primijeniti neka druga pravila, ne tako povoljna za Hrvatsku, iza koje ovoga puta stoji moćna EU.

Smjena Mirka Šarovića - početak borbe za vlast u RS

Ulazak Hrvatske u Evropsku uniju i bh. stagnaciju u procesu eurointegracija komentirao je politički analitičar i ekspert za pitanja evropskih integracija Zekerijah Smajić. On smatra da bi BiH, ako ostane na sadašnjem kursu, uskoro mogla biti izolirana država. „Mislim da bi to produciralo još veće frustracije u Briselu, a izazvalo bi i novo nezadovoljstvo u BiH, frustraciju građana zbog zaostajanja u svakom pogledu i, naravno, buđenje socijalnih nemira i svega drugog što iz toga proizilazi“, kaže Smajić.

Predsjednik Republike Srpske (RS), Milorad Dodik je početkom septembra 2013. godine najavio da će zatražiti smjenu državnog ministra vanjske trgovine i ekonomskih odnosa, inače kadra Srpske demokratske stranke (SDS) Mirka Šarovića. Dodikov zahtjev nagovijestio je raspad partnerstva između SDS-a i Saveza nezavisnih socijaldemokrata (SNSD-a) na svim nivoima vlasti. Iako je Šarović, prema ocjeni nevladinih organizacija koje prate rad Vijeća ministara BiH, jedan od najefikasnijih bh. ministara, njegovu i smjenu drugih kadrova SDS-a iz Vijeća ministara podržale su i ključne političke partije iz FBiH.

Politički analitičar Ibrahim Prohić kaže da je smjena Šarovića logična posljednica ukupnog odnosa i karaktera vladajućih politika. On podsjeća da nijedna koalicija u poslijeratnoj BiH nije mogla ispuniti ni elementarne kriterije političkog saveza. Radi se, kaže Prohić, o interesnim savezima. „Jasno je da je riječ o političkoj odmazdi. Dodik hoće da kažnjava SDS i tu nema govora o principijelnosti ili poštivanju kompetentnosti. Da ima, on bi ratovao sa SDS-om a Šarovića bi ostavio na poziciji kao uspješnog ministra. To znači da mu nije stalo do opšteg, odnosno javnog interesa“, kaže Prohić.

NOW HIRING!

Over The Road Owners Operators & Company Drivers

BEST WAY SERVICES, LLC

RECEIVE A \$500 BONUS
AFTER 6 MONTHS OF EMPLOYMENT

1985 NW 94th St. Suite G, Clive, IA 50325
5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:
515.554.1711 or 515.276.0646

Senad i Sevleta Čamdžić

Eurotel Agencija

PONOVO NAJBOLJI

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! KVALITETAN SERVIS!

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna	samo 6.9 c/m !
Srbija	7.9 c/m
Hrvatska	samo 1 c/m !
Crna Gora	9.9 c/m
Makedonija	7.9 c/m
Zapadna Evropa	1 c/m

Zovi!
Koristi!
Uštedi!



Od 1. do 15. oktobra 2013. u BiH je proveden Popis stanovništva, domaćinstava i stanova u BiH, prvi popis u nezavisnoj BiH. Popisu su prethodile mukotrpne godine političkih dogovora, kako u institucijama vlasti tako i neformalnim razgovorima političkih lidera. Prvi nepotpuni rezultati popisa pokazali su da je broj stanovnika u poslijeratnoj BiH opao u odnosu na popis iz 1991. godine.

Prvi popis stanovništva u nezavisnoj BiH

Prema nepotpunim rezultatima Popisa stanovništva i domaćinstava 2013. godine u BiH, broj popisanih u ovoj zemlji iznosi 3.791.622, što je za 585.411 manje u odnosu na broj popisanih 1991. godine, kaže demograf i statističar Hasan Zolić. „Da nije bilo rata, danas bi u BiH, prema nekim statističkim procjenama, živjelo oko 4.600.000 stanovnika. Izgubljen je taj prirodni potencijal jer je u BiH došlo i do smanjenja nataliteta i povećanja stope mortaliteta“, kaže Zolić.

Početak oktobra 2013. godine u Briselu su, uz posredovanje Evropske komisije i evropskog izaslanika Štefana Filea, upriličeni pregovori o provođenju odluke Evropskog suda za ljudska prava u predmetu „Sejdić i Finci protiv BiH“. Briselskom sastanku prethodila je serija susreta bh. političkih lidera koji su, između ostalog, pokušali naći model izbora članova Predsjedništva BiH „na način da jedan narod drugome ne bira predstavnika“.

Razgovori su potom nastavljeni u još nekoliko evropskih prijestolnica, ali bez uspjeha. „Sve političke partije u osnovi svojih prijedloga nude mogućnost da se i pripadnici nacionalnih manjina kandiduju na pozicije u Parlamentu BiH i državnom Predsjedništvu. Osnovne kriterije, da se manjinama omogući kandidovanje na pozicije u Parlament i Predsjedništvo zadovoljio je i prijedlog SDA i HDZ-a BiH. No, te kriterije zadovoljavaju i prijedlozi svih ostalih političkih stranaka u BiH. Nijedna nije rekla ‘mi smo protiv da svi građani ove zemlje budu ravnopravni’, ali svaka ima i neke svoje dodat-

ne uslove“, kaže član Vijeća nacionalnih manjina BiH Jakob Finci.

Sankcije zbog neprovođenja odluke „Sejdić i Finci“

20. novembra 2013. godine Sud BiH izrekao je pravosnažnu presudu teroristi Mevlidu Jašareviću, bivšem pripadniku vehabijskog pokreta koji je iz automatskog oružja pucao na Ambasadu Sjedinjenih Američkih Država (SAD). Jašarević je osuđen na zatvorsku kaznu u trajanju od 15 godina. Tokom sudskog procesa izrazio je kajanje zbog počinjenog djela te istupio iz pokreta vehabija. Tužiteljstvo BiH i Ambasada SAD-a zadovoljni su presudom koja je izrečena ovom srbijanskom državljaninu.

Evropski političari sankcionirali su bh. neuspjeh u provođenju sudske odluke iz Strazbura. BiH je ostala bez 45 miliona eura iz pretpripravnih (IPA) fondova. Prvi put u dugogodišnjoj praksi evropske podrške kroz IPA programe, jednoj zemlji su uskraćena sredstva zbog neprovođenja obaveza prema evropskim insitucijama. Analitičari su upozorili da bi ova praksa mogla biti nastavljena te da bi BiH, ukoliko ne provede svoje obaveze, narednih sedam godina mogla gubiti po 80 miliona eura predviđenih projektom IPA 2.

Politički analitičar Vlastimir Mijović kaže da odgovornost za uskraćivanje 45 miliona evra iz tih fondova snosi „čuvana sedmorka“ koja vlada BiH, a koja uporno ne želi riješiti provođenje odluke „Sejdić i Finci“. „Oni naprosto ne žele da taj problem riješe. Ono što bi na to moglo da ih natjera jeste unutrašnji otpor, odnosno pritisak građana koji, na žalost, još uvijek ne pokazuju da su na to spremni. Druga kazna mogla bi da bude ‘štap sa strane’. Jedan od tih ‘štapova’ su fondovi IPA i novac koji nam je već uskraćen“, kaže Mijović.

Političke nesuglasice u BiH, obilježile su i kraj 2013. godine. Političari u toj zemlji spremno su dočekali 2014., još jednu izbornu godinu koja bi, prema sumornim prognozama analitičara, mogla biti teža od prethodne.



*** SECURITY**
*** JANITORIAL SERVICES**

NOW LEASING

Atkinson Arbors

Office Suites

*** GATED COMPLEX**
*** LOBBY & BREAK ROOM**

Starting at **\$250.00**

Up to **4,000 sq.ft.** available



Call 770-317-7124

1530 Atkinson Road, Lawrenceville, GA 30043

APARTMANI ZA RENTU

LAWRENCEVILLE, GA

DONESITE OVU REKLAMU I DOBIT ĆETE

NO Deposit Required

\$200.00 OFF OD PRVE RENTE

JEDNOSOBNI I DVOSOBNI APARTMANI

\$ 500.00 do \$ 575.00



Za više informacija nazovite:
770-963-8532 ili 770-963-9264
Selma

Na raspolaganju Vam stoje slobodni apartmani u ČETIRI različita apartmentska kompleksa. Svi se nalaze na području Lawrenceville-a, Georgia

PONEDELJAK - PETAK 9:30AM- 6:00 PM **SUBOTA 9:30AM -6:00 PM**
NE RADIMO SRIJEDOM I NEDELJOM

Željko Komšić: SDP i SNSD učiniće sve da do izbora ne dođe

Kada sam "prvi put" pokušao da se, narodski rečeno, otkačim od njih jer sam se i ja osjećao krivim za sve što se radilo u ime SDP-a, jer više ni svom ocu nisam mogao da odgovorim na pitanje "šta ovo radite, sine?", tada su, na sjednici Predsjedništva SDP-a, govorili - nemoj, molimo te, ti si sve naj, naj... Samo mi još nisu rekli da sam i najljepši. Kakvo licemjerje! - kaže Željko Komšić, predsjedavajući Predsjedništva BiH i predsjednik Demokratske fronte BiH.

• Demokratska fronta i Vi, kao njen predsjednik, dobra ste udavača, misli Sulejman Tihić, predsjednik SDA, koji se nakon operacije polako vraća u politički život!?

- Ko je kakva politička "udavača" ili "ženik" mogu reći samo građani BiH na izborima. Do tada, sve je samo "spisak želja". Znam samo da je jedinstven stav u DF-u kako nećemo sa fašistima, šovinistima, lopovima i reketašima!

• Kao takvi, dakle, kao dobra udavača, šta nudite u miraz, šta očekujete od eventualnog "ženika"?

- Također, ko je "udavača" a ko "ženik" reći će Bosanci i Hercegovci, opet na izborima. A od eventualnih političkih partnera očekujemo da nisu lopovi i reketaši, da se ne bavimo beskorisnim svađama, lažima, podmetanjima, da se ne varamo i da zauzdamo svoje lične i političke ambicije, svoje sujete i da se posvetimo ovoj zemlji a ne sebi!



Boli glava

• Toliko smo zaduženi da su nam i stanovništvo popisali. Vlast, sadašnja i bivša, i ne pitajući, zadužila je nas i potomke za sedam milijardi dolara. Planiraju i ove godine zadužiti nas za novih 600.000.000 KM! Objašnjavaju, ne zaduže li se, budžetski korisnici ostat će bez plata, stradalnici rata bez naknada! Pa šta? Mislite li da kreditima spašavaju fotelje, a da su im stradalnici rata, učitelji, profesori, liječnici... dobar izgovor za zaduživanje do grla?

- Pojednostaviću koliko god mogu. Slično je, ali nije isto, kada kao pojedinac uzimaš kredit, lijepo ti je samo prvog dana, poslije te boli glava od vraćanja kredita. Kada se vlast zadužuje, svima koji su na budžetu je lijepo zbog novca koji dobijaju. Poslije njihovu djecu boli glava zbog vraćanja tih kredita. Da stvar bude još gora, ovdje se krediti uzimaju kako bi se začepile rupe u budžetima. Dakle, sreća budžetskih korisnika, u ovom slučaju, neće dugo trajati. Ovi, sadašnji krediti se uzimaju, jer vlast ima dugove prema građanima, a ne zbog toga da im se obezbijedi bar neka novčana sigurnost u budućnosti. Da se razumijemo, nisam ja protiv kredita. Problem je što niko ne razmišlja o tome kako i iz čega to vratiti. Zamislite kako bi to bilo da, kao pojedinac, uzmete kredit i da te baš briga kako ćeš ga vratiti. Banka će sigurno naplatiti, uzeće ti sve što imaš. Slično je i sa državom, ako ne budemo vraćali taj novac, uzeće nam ono vrijedno što imamo.

• Prijetnjom da ćete od Ustavnog suda BiH tražiti ocjenu ustavnosti, zakonitosti zaduživanja, razjarili ste drugove u SDP-u BiH! Oni koji su do juče s Vama dijelili i posljednju cigaretu, sad za Vas kažu da ste neradnik, demagog i populist, mali diktator, saveznik SDA, a da njih nije bilo ne biste bili ni prosječni općinski načelnik, kamoli predsjedavajući Predsjedništva BiH. S kakvim ste to ljudima dijelili cigarete!?

- Ne želim da se svađam sa njima. Pogotovo neću to da radim na tako priprost način. Ako je već sve to tako, što me odmah ne otjeraše? Što su me ponovo kandidovali za člana Predsjedništva? Zar je moguće da sam toliko inteligentan i pametan da sam ih sve prevario i nadmudrio? A ako jesam, kako sam onda sve to kako me nazivaju. Takvim izjavama sudaraju se sami sa sobom. Kada sam "prvi put" pokušao da se, narodski rečeno, otkačim od njih jer sam se i ja osjećao krivim za sve što se radilo u ime SDP-a, jer više ni svom ocu nisam mogao da odgovorim na pitanje "šta ovo radite, sine?", a pogotovo ljudima koje sam svakodnevno sretao, tada su, na sjednicama Predsjedništva SDP-a, drugačije govorili - nemoj, molimo te, ti si sve naj, naj... Samo mi još nisu rekli da sam i najljepši. Kakvo licemjerje! Dakle, kada su oni u javnoj komunikaciji došli do takvog rječnika i kvalifikacija, znak je da su ostali bez bilo kakvog argumenta. A što se tiče cigara, do prije koju godinu, ne bih ja sa njima dijelio

ANESA KAJTAZOVIC



DEMOCRAT *for* CONGRESS

Anesa Kajtazović kandidat za U.S. Kongres

Anesa Kajtazović trenutno obavlja dužnost kao član parlamenta u državi Iowa i do sada je najmlađi kandidat.

Ovo je prvi put u historiji Amerike da se osoba porijeklom iz BiH kandiduje za U.S. Kongres

Anesa Kajtazović treba našu podršku

Svi Vi koji živite u Prvom distriktu u državi Iowa možete glasati za Anesu

A svi ostali mogu da je podrže finansijski.

Vaše donacije možete uplatiti na:

www.anesaforcongress.com

ili

poslati personalni ček:

"Anesa for Iowa",

PO Box 1913, Waterloo, IA 50704)

Ako pobjedi Anesa Kajtazović će biti prva žena iz Iowa-e, porijeklom iz BiH u U.S. Kongresu

i borit će se za našu bolju budućnost



Anesa Kajtazovic State Representative



samo cigare, nego bih im i krvi dao! Ali, čim su dobili vlast pokazali su da je ona stara narodna poslovice potpuno tačna - "daj čovjeku pet minuta vlast i vidićeš kakav je čovjek". Ne želim da se ponašam kao oni, neću tako da se ponašam prema bilo kome!

• **SDP BiH i njihov partner SNSD su u nacrtu budžeta institucija BiH za 2014. predložili 1,6 miliona KM manje nego što je potrebno za normalno održavanje izbora. Šta zaključujete iz ovog fakta? Da im baš nije do izbora jer su dobroano posrnuli i boje se poraza, sudskih procesa zbog onoga što su radili ili...?**

- Mislim da bi oni sve učinili da do izbora ne dođe. Samo to mora ispasti tako da oni nisu krivi, nego mora biti neko drugi kriv. Ukinuće oni svakako tih 1,6 miliona za izbore. Ali i sa tim ukidanjem novca izbori se mogu održati. Veći problem, trenutno, jeste to što nije izmijenjen Izborni zakon. Bez izmjena tog zakona, CIK neće moći raspisati izbore. To je sada veća opasnost. Neraspisivanjem i neodržavanjem izbora oni će pokazati da mogu, kada hoće, suspendovati jedan od stubova i ovako slabe demokratije u BiH - izbore. Šta onda postajemo kao zemlja? Zemlja diktature, gdje se dva-tri čovjeka mogu dogovoriti da suspenduju čak i izbore i demokratiju. Zamislite šta bi tek onda radili ljudima koji im se ne sviđaju?

Kadli, tadli

• **Kad smo već kod SDP-a BiH, koga se, uslovno rečeno, više bojite: neprijatelja koji Vas sada napada ili novih partijskih prijatelja koji Vas grle i tapšu po ramenima?**

- Ma čega više da se bojim?! U ratu sam se bojao zarobljavanja i toga da ne ostanem invalid. Smrti se nisam plašio, ako bi došla brzo. Danas, teško da se bojim bilo čega. Jedini strah koji imam jeste roditeljski strah.

• **Svakodnevno čitamo o korupciji, o tome kako političari zapošljavaju sinove i kćeri, rođake, prijatelje i kumove, kako uzimaju reket za poslove, kako su od mršavih intelektualaca i prijeratnih kokuza i alkoholičara postali ugledni političari i bogataši. To što imaju stekli su od svojih plaća ili kako ko?**

- Kadli, tadli, sudijama će to morati objasniti! DF se bori da taj dan dođe što prije.

• **Dijelite li utisak da sadašnja vlast ne dozvoljava da radi ko šta hoće pa se potrudila da imamo organizovani kriminal! Izgleda, kad kriminalci odluče da izvedu najveću pljačku, maskiraju se u političare! Imate li dojam da se u našoj državi Goli otok spoji s kopnom!?**

- Sve što bih ja rekao kao odgovor, Vi ste već rekli postavljenim pitanjem.

• **Kada će, ako će uopšte, korupcija i lopovluk aktuelnih političara s naslovnih strana novina preseliti u sudske klupe?**

- Onog trenutka kada sudije i tužiocu budu znali da svi stojimo iza toga što oni rade ako rade u skladu sa zakonom, hladno, bez intervencija političara tipa "nemoj njega, naš je" ili "daj njega, zamjerio mi se".

• **Prethodna vlast je ekonomiju dovela do ivice ambisa. Eksperti iz nove vlade (SDP BiH i SDA) stvari su "pokrenuli naprijed". Ipak, ovakvi nikakvi i nesprenni, mi bismo čim prije u Evropsku uniju. Zašto?**

- Zato što mi, pomalo i naivno, u EU vidimo spas od svega što je naša loša svakodnevnica. Mislimo da bismo time preskočili ono sve što, ipak, mi trebamo uraditi. Mislimo da bi čak

i EU rješavala nešto što mi ne možemo ili nećemo da riješimo. Ali, EU to neće uraditi. Pogotovo to neće sada uraditi. Pored njihovih, međusobnih, neriješenih problema, pored njihovih negativnih iskustava sa "zadnjim krugovima proširenja", EU je postala vrlo stroga u kriterijima koje budući kandidati moraju ispuniti. Zato je nama bolje da snagu počnemo tražiti u nama samima, što mi budemo bolji, bićemo i zanimljiviji EU.

• **Pitam Vas to jer ionako, pored domaćih flaširanih voda i piva, mlijeka, paradajza i paprike... pijemo i jedemo uvozno! Sijemo riječi, a uvozimo pšenicu! Možete li nas ostaviti da u našim restoranima i kaficima na miru i slobodno pušimo dok malo ne ojačamo i, koliko-toliko konkurentni, ne budemo spremni za Evropsku uniju!**

- Ostaviće oni nas svakako da čekamo sve dok mi ne budemo bolji.

• **Uzgređ, Vi se baš zalažete za ulazak BiH u NATO! Pripadnici OSBiH i sada idu u vojne misije. Zašto nam treba ulazak u NATO? Samo da rata u BiH ne bude ili...**

- NATO jeste i ta, recimo, fizička sigurnost. Ali, NATO nije isključivo to. U ovakvom svijetu, NATO je, prije svega, politika. Mi smo mala zemlja, vojnički nismo baš toliko bitni NATO-u. Ali, jesmo važni politički. Tu činjenicu treba brzo i pametno iskoristiti iz, za nas najvažnijeg razloga. NATO za BiH znači, pored sigurnosti i reformu, ne samo odbrambenog sektora, nego i duboke političke reforme. Te reforme se neće odraziti samo na administraciju i državni aparat, nego i na cijelo društvo. NATO je, naravno pored vojne sile, cijeli sistem vrijednosti koji funkcioniše u današnjem svijetu. Oni nas hoće, neodgovorno je prema budućnosti ove zemlje to odbiti.

• **Pretpostavka je, popis stanovništva će pokazati da je Bošnjaka u BiH više od 50 posto!? Kako bi, po Vašem sudu, političko rukovodstvo Bošnjaka, ma šta to značilo, trebalo da "iskoristi" tu brojčanu prednost!?**

- Ako se slažemo, a kažemo da se slažemo, da ova zemlja pripada svima nama, svaki njen centimetar kvadratni da pripada svakom Bosancu i Hercegovcu, zašto je onda uopće važno koliko koga ima? To je onda samo statistički podatak. Izuzev ako ne postoje neki drugi planovi? Ako postoje ti neki drugi planovi, onda mi se čini da, svi zajedno i bez izuzetka, imamo veliki problem.

• **Za Dubiozu kolektiv ste, bezbeli, čuli. Oni su, ako se ne varam, 2010, pred parlamentarne izbore, pjevali da vратиće se Valter! Valter se, činilo se, vratio i...?**

- To je bio lažni Valter! A kada će pravi i koji je pravi, ne znamo još. Ubuduće ko god da se bude predstavljao kao Valter, moraće dobro da se dokaže da je to zaista on - pravi Valter. Jer poslije lažnog Valtera, ljudi su vrlo sumnjičavi. Dobro je bar to što je "Lažnjak" već historija iliti povijest!

• **Nedavno je Kolektiv imao koncert, napunio je Skenderiju, a ne pjevaju ljubavne pjesme. Tekstovi im govore o tome da "dok je ovaca, biće i vune", "da vlada uvijek isto svira, narod uvijek isto bira", "volio bi da nam djecu ne dijele po vjeri, na TV da se vrate Šilja, Tom i Jerry". Čini se, kao da narodni gujev narasta i, daj Bože, mogao bi se izroditi u opšte slavlje?**

- Možda je malo grub odgovor, ali za takvo nešto nedostaje nam empatije!

**Dodite i kupite sve na jednom mjestu
UŠTEDITE I VRIJEME I NOVAC!**



Clarkston Village Shopping Center
926 Montreal Road
Clarkston, GA 30021

926 Montreal Road, Clarkston, GA

404-296-6493

THRIFTOWN
Clarkston Village



Sretna Nova Godina!
FASTV
1.866.639.8911



Sretna Nova Godina!
Aleksandra H. Bronsted
Attorney at Law
770.451.3818



Sretna Nova Godina!
Singpros, Inc
Dalibor Špalat
404.641.9682



Sretna Nova Godina!
Suada Nišić
Realtor
678.735.8397



Sretna Nova Godina!
Best Way Services, LLC
Besim Smajlović
515.554.1711



Sretna Nova Godina!
Style Travel USA
773.525.4889



Sretna Nova Godina!
Eurotel Agencija
Sevleta i Senad Čamdžić
1.717.245.8552




Sretna Nova Godina!
Osman "Cico" Vujinović
404.550.8054



Sretna Nova Godina!
Euro Plus TV
1.877.747.6097



Sretna Nova Godina!
Coffe Shop AS
Dado&Šefik
155 Gwinnett Drive
Lawrenceville,Ga 30046
404.909.9792



Sretna Nova Godina!
Michael E. Carroll
Attorney at Law
678.473.9472



Sretna Nova Godina!
EMC Cargo
Esad Medić
1.866.877.7271



Sretna Nova Godina!
Bonus Transportation,LLC
Damir Begović
616.322.5818



Sretna Nova Godina!
Old Salem Apartments
770.963.7057



Sretna Nova Godina!
Dino Krgo
678.429.4353



Sretna Nova Godina!
Brother and Sister Food
brothersisterfood.com

DIJASPORA JE BISER BAČEN U BLATO

Povratak prognanih ključni je proces u očuvanju BiH kao multietničke i multikonfesionalne zajednice. Koliko u ekonomskom i političkom snaženju povratnika može pomoći dijaspora? Da li se dijaspora može privući emocijama?

Država nema evidenciju ni strategiju niti ima Ministarstvo za dijasporu, ali se procjenjuje da izvan BiH živi oko 1,2 miliona njenih građana. Godišnje pošalju ili ulože mnogo novca u domovinu, naročito u povratničke sredine. No, dijaspora i povratnici do sada su bili u drugom planu, konstatovano je na zborničkoj konferenciji "Dijaspora i povratak", koju je organizovalo "Udruženje za mir, obrazovanje i kreativnost".

Biser u blatu

Mehmed Pargan, izvršni direktor ove nevladine organizacije, kaže da je svaki skup koji se tiče dijaspore i povratka novi korak ka neiskorištenom potencijalu. "Imamo snagu preko milion ljudi koji su širom svijeta obrazovani, koji imaju novac, koji imaju škole, imaju ideje, imaju veze i mi te ljude ne koristimo. Kao što ne koristimo svoja bogatstva druge vrste u Bosni i Hercegovini, mi smo također i dijasporu bacili kao biser u blato. Mi smo ovom konferencijom djelimično postigli da pitanja koja se tiču dijaspore, njenog uključjenja u sudbinu i prosperitet Bosne i Hercegovine stavimo u prvi plan. Stavili smo to pitanje na pijedestal i o njemu se već razgovara."

Mirhunisa Zukić, predsjednica "Unije za održivi povratak BiH" kaže da u ovoj zemlji nije sve crno, kako se često predstavlja. Tvrdi da postoje mogućnosti kreiranja kvalitetnih programa koji bi mogli zainteresovati potencijalne ulagače iz dijaspore. "Evo, znamo da je Bosna i Hercegovina u Evropskoj uniji okarakterisana kao turistička zemlja, kao poljoprivredna zemlja. Prema tome, takvi projekti zaista postoje, ne treba ih izmišljati, samo treba napraviti tu konekciju, dakle, ovdje je u pitanju čisti biznis. Znamo da se mnogi predstavnici međunarodnih organizacija po završetku rada u Bosni i Hercegovini bave takvim poslovima. A to znači da dijaspora zaista treba da shvati da Bosni i Hercegovini ne treba nikakva milostinja, dakle, da ljudi ovdje znaju raditi svoj posao."

Investirati u nova radna mjesta

Ramiz Salkić, potpredsjednik Narodne Skupštine Republike Srpske i jedan od pokrovitelja konferencije, kaže da je Popis pokazao da postoji opšti interes i briga dijaspore šta će biti od BiH. To pokazuju i investicije koje dolaze iz dijaspore, kao što su primjeri ulaganja u infrastrukturu Kozarca i Bratunca. "Mi trebamo da inicijativu građana iz tog segmenta prebacimo u inicijativu da otvaraju radna mjesta kako bi se ljudi zapošljavali. Postoji još drugih mjesta koja su jaka u smislu dijaspore, kao što je Janja, kao što su mjesta



PRODAJETE ILI KUPUJETE KUĆU?

Vi imate pitanja - ja imam odgovore

- * Sa Vama od početka do kraja, u svim fazama kod prodaje ili kupovine kuće
- * Ostvarenje i zaštita Vaših interesa je moj prioritet
- * Idealno vrijeme za kupovinu kuće - vrlo niske cijene uz povoljne kamate
- * Foreclosure * HUD homes * Prvi put kupci dobijaju Home Depot gift card
- * Besplatne usluge notara i prevođenja potrebnih dokumenata



metrobrowsers **GMAC**
 .com Real Estate

DINO KRGO
 REALTOR

678-429-4353

dkrgo@bellsouth.net



What could you do with an extra \$478 annually?*

That's how much the average client saves on their auto and homeowner's insurance through Primerica Secure™!

Call Primerica representative Adisa at (678) 697-8497 to learn more today

**Savings not typical. The average client saves as much as \$478 annually on their auto insurance. The average savings amount is based on a survey of insurance premium information provided by 567 purchasers of insurance from Answer Financial between January 1, 2009, and March 31, 2009*



Achieve Your Potential.

We empower people to achieve their dreams! At Primerica, we show people how to build a business by teaching families about finances. You can work at your own pace, and earn the income you deserve!

For more information, call Adisa (678) 697-8497

The **Klob**
 Law Firm, LLC



7764-A HAMPTON PLACE
 LOGANVILLE, GA 30052

**Nalazimo se u Hampton Place Plazi
 (Preko puta McDonald's u Loganvillu)**

Invalidska penzija

Povrede na radnom mjestu

Auto udesi

Vojna penzija

Da li ste primili odbijenicu iz državne ustanove za invalidsku penziju?

Da li ste imali povredu na radnom mjestu?

Da li ste imali auto udes ili Vam treba pomoć advokata u vezi Vaše vojne penzije?

Dopustite da Vam advokat Tim Klob (komandant američke Armije) i njegova advokatska kancelarija pomognu i posvete Vašem slučaju pažnju koju zaslužujete!

Pozovite i zakažite Vašu besplatnu konsultaciju!



Zastupamo našu zajednicu iskreno i sa pažnjom kroz mnogo godina iskustva.

Pozovite nas danas na **678-269-6526**
 ili posjetite našu web stranicu **www.kloblawfirm.com**

iz Posavine, kao što su mjesta iz istočne Bosne, ali svi ti ljudi očekuju neku inicijalnu kapislu ili šta već.”

Vladislav Vlajić je Task menadžer u Programu prekogranične saradnje Srbija - Bosna i Hercegovina koji finansira EU, a sprovode vlade ove dvije zemlje. Iz te saradnje iskustva su pozitivna, ali Vlajić dodaje da dijaspora treba imati veću ulogu u ekonomskim i političkim procesima. “Dijaspora treba da shvati da sa humanitarnog načina razmišljanja treba da pređe na razvojni način razmišljanja. Teško je očekivati da će neko iz neke daleke dijaspore, kao recimo iz Australije, ulagati u konkretne proizvodne pogone ovdje. Onda, ja vidim prostor da dijaspora ulaže u stvaranje poziti-

“Imamo snagu preko milion ljudi koji su širom svijeta obrazovani, koji imaju novac, koji imaju škole, imaju ideje, imaju veze i mi te ljude ne koristimo. Kao što ne koristimo svoja bogatstva druge vrste u Bosni i Hercegovini, mi smo također i dijasporu bacili kao biser u blato. Mi smo ovom konferencijom djelimično postigli da pitanja koja se tiču dijaspore, njenog uključenja u sudbinu i prosperitet Bosne i Hercegovine stavimo u prvi plan. Stavili smo to pitanje na pijedestal i o njemu se već razgovara.”

tivnog poslovnog ambijenta, u stvaranje strukovnih udruženja, u pojednostavljivanje zakona da bi neko, dovoljno hrabar i romantičan, uložio sredstva ovdje.”

Demokratija kao pravo i obaveza

Senada Telalović-Softić u Australiji je vlasnica prevodilačke i konsultantske firme za multikulturalna pitanja. Smatra

da u BiH nedostaje državna i nacionalna strategija, te da se tu ne treba izmišljati topla voda, nego koristiti pozitivna svjetska iskustva. Tvrdi da su Bosanci i Hercegovci, kako oni u dijaspori tako i oni u domovini, inteligentni i sposobni ljudi, te da im treba omogućiti da to i pokažu.

“A ima jedan drugi problem. Još niko nije Bosance i Hercegovce u BiH educirao šta znači demokratija i koje obaveze dolaze sa demokratijom. Nisu samo prava nego imaju i obaveze. Neko veče sam se vozila u taksiju i gospodin mi kaže kako nikako ne glasa već deset godina. Ja mu kažem, gospodine, vi glasate itekako. Svakim vašim neizlaskom na glasanje, vi zapravo glasate. Glasate sa sadašnje stanje, smatrate da je vama super i da se ništa ne treba mijenjati.”

Edin Ramić, savjetnik Bakira Izetbegovića, člana Predsjedništva BiH, kaže da treba tražiti načine da se dijaspora uključi u ekonomske i političke tokove u domovini. “Neće neki Austrijanac ulagati u Bosnu i Hercegovinu kada pogleda kakva je ovdje politička situacija, kakvi su kreditni rejtinzi Bosne i Hercegovine. Ali, neki državljani Austrije koji je porijeklom iz Bosne i Hercegovine, on itekako ima obzira prema Bosni i Hercegovini. Njega sve te negativne analize, neki negativni pokazatelji previše ne interesiraju jer ga nosi osjećaj ljubavi prema ovoj zemlji. To, naravno, treba iskoristiti, ali za dobrobit i onih koji ovdje investiraju, ali i onih koji traže određeno zaposlenje.”

Rad i ljudska prava

Mehmed Pargan zaključuje da je emotivna veza sa domovinom preduslov, ali je potrebno imati ambijent koji treba stvoriti državna administracija. Samo tako, ističe on, ovu zemlju dijaspora može osnažiti izvana, kao što to iznutra mogu učiniti povratnici. “Moramo raditi, dakle, u tom pravcu da se napravi ambijent za rad u ovoj zemlji, da se uvažavaju ljudska prava svih povratnika. Mi smo danas govorili ovdje o svim povratnicima, Srbima i Bošnjacima i svim ostalima u ovoj zemlji. Jer, povratak je pitanje koje interesno vezano za sve narode ovdje.”



BONUS TRANSPORTATION, LLC



Zapošljavamo owner operatore !

- Commision 10%
- Sedmična isplata
- 24/7 dispečer na raspolaganju
- Saradjujemo sa svim brokerima na prostorima Sjeverne Amerike
- Nudimo fuel cards, trailere, kvalitetan profesionalni dispatch



616 322 5818
616 719 6064
bonustransllc@yahoo.com



tel > 1.773.525.4889
 fax > 1.773.435.6753
 e-mail > info@styletravelusa.com
 <4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii



<www.styletravelusa.com>



Am Dent, Inc.



Dental Care for Entire Family
Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partials
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted
 Medicaid (uder 21) Peachcare
 Major Credit Cards

NOW OFFERING! Ortho (Braces) Special - FREE Ortho Consultation
 New Patient Special (Exam, X-Rays, Cleaning) - ONLY \$75
0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Postignut dogovor o Bankovnoj uniji

28 ministara finansija EU postigli su sporazum o Bankovnoj uniji. Bankovna unija je ključni projekat kojim Evropska unija ulazi u borbu protiv svih budućih finansijskih kriza.

Sporazumu su prethodili višemesečni pregovori, koji su kulminaciju dostigli na dvodnevnoj maratonskoj sjednici. Osnova svega je zajednički fond, koji će se deset godina puniti novcem iz banaka i koji bi na kraju trebao dostići cifru od 55 milijardi eura. Iz tog fonda trebala bi se uzimati sredstva za spašavanje banaka odnosno zatvaranje onih banaka koje bankrotiraju.

Da li i na koji način će neka banka biti zatvorena neće više odlučivati Evropska komisija već ministri finansija zemalja članica Evropske unije. Evropska komisija će međutim imati pravo veta. Posebno sporna pitanja u procesu donošenja ove odluke bila su dodatna javna sredstva, koja bi također trebala biti uplaćivana u zajednički fond.

Još jedan stub bankovne unije trebala bi biti zajednička Kontrolna institucija koja bi trebala nadgledati rad banaka. Ova institucija djelovaće u okviru Evropske centralne banke. Kada banke dospiju u probleme najprije će odriješiti kesu, odnosno na odgovornost biti pozvani akcioneri i povjerioci. Štedni ulozi do 100.000 eura morali bi biti sigurni i to treba da važi za sve zemlje članice Evropske unije.

Dogovor istorijskih dimenzija

Njemački ministar finansija Wolfgang Schaeuble pozdravio je mukotrпно ostvareni kompromis. To je pravi doprinos u cilju dalje stabilizacije bankovnog sektora, rekao je Schaeuble.

Francuski ministar finansija Pierre Moscovici rekao je da se radi o sporazumu o bankovnoj uniji koji je istorijskih dimenzija. "On je dobar kako za građane tako i za stabilnost finansijskog sektora i funkcija mu je da prekine đavolji krug bankrota banaka i time izazvanu dužničku krizu", dodao je Moscovici. Nadležni komesar za unutrašnje evropsko tržište Michel Barnier ocijenio je dogovor revolucionarnom promjenom bankarskog sektora.

28 ministara finansija EU su od šefova država i vlada zemalja članica EU dobili nalog da se do samita na vrhu postigne dogovor o Bankovnoj uniji. Preostaje da Evropski parlament tokom ovog mjeseca (januar 2014.) usvoji kompromis. Tokom finansijske krize zemlje EU su bankama pomogle finansijskom injekcijom od 1,6 bilion eura.



REALTY PROFESSIONALS

Buying - Selling - Leasing
Residential - Commercial

Armin Mehmedović
BROKER - ASSOCIATE

Direct: 404-512-0509

E-mail: arminsellsatlanta@yahoo.com



www.bosnianyellowpages.us

jedna web stranica za sve vaše potrebe



MUŠKI I ŽENSKI MOZAK

Američki istraživači sa Univerziteta Pensilvanija su skenirali mozgove skoro 1.000 muškaraca, žena, dječaka i djevojčica i naišli na upečatljive razlike u njihovom izgledu i funkcionisanju.

Muški i ženski mozak su premreženi na potpuno različite načine, što objašnjava različite pristupe rješavanju određenih zadataka i dobijene rezultate, pokazala su nedavna skeniranja ljudskih mozgova. U naknadno napravljenim "moždanim mapama" otkrivene su velike razlike u muškom i ženskom mozgu, a glavna razlika je u tome što je muški mozak povezan spreda pa unazad ka periferiji, dok je ženski mozak "premrežen" tako da stvara veze između dvije hemisfere - lijeve i desne.

Ove razlike mogu da objasne zbog čega muškarci uglavnom imaju bolje rezultate u učenju i rješavanju jednog zadatka, poput vožnje bicikla ili različitih vrsta navigacije, dok su žene uspješnije u usvajanju i rješavanju nekoliko zadataka odjednom, saopštili su naučnici u žurnalu PNAS (Proceedings of the National Academy of Sciences).

Isti dobrovoljci koji su se prijavili rješavali su nekoliko kognitivnih testova, a rezultati su potvrdili ove tvrdnje naučnika.

Žene su pokazale bolje rezultate u pažljivosti, pamćenju riječi, ukupnoj memoriji i društvenim saznanjima, dok su muškarci bili bolji u prostornom snalaženju i senzorsko-motoričkim sposobnostima.



"Vrlo je interesantno, na osnovu ovog skeniranja, uočiti koliko su zaista mozgovi žena i muškaraca komplementarni", rekao je Ruben Gnur, jedan od učesnika u ovom istraživanju.

"Detaljne mape mozga nam neće pomoći samo da bolje razumijemo razlike o tome kako muškarci i žene razmišljaju, već će nam dati i bolji uvid u korjene neuroloških poremećaja, koji su u većini slučajeva uslovljeni polom", dodao je on.

Kina "sletjela" na Mjesec

U nedelju, 14. decembra 2013. u 14:11h lender Chang'e-3, koji je lansirala Kina, uspešno je sletio na površinu Mjeseca. Chang'e-3 spustio se u oblasti Sinus Iridum, na sjevernom dijelu Mjeseca.

Lender Chang'e-3 lansirala je Kineska nacionalna svemirska agencija 1. decembra 2013., raketom Long March 3B Y-23. Klavni cilj misije je spuštanje na površinu našeg satelita i analiza tehničkih aspekata ovakvog leta. Naučni zadatak misije biće topološka i geološka analiza površine Mjeseca. Jedan od zadataka ovog lendera biće da prvi put direktno ispita strukturu i dubinu površine do dubine od 30 metara. Detalji plana misije nisu poznati javnosti.

Chang'e-3 lender ima masu od 1200 kilograma, opremljen je uređajima za komunikaciju, sa nekoliko različitih instrumenata za analizu površine i nosi rover mase od oko 100 kilograma. Ovaj rover nazvan Jujutu ("Zec od žada"), može da dostigne brzinu od 200 m/h. Uz opremu namjenjenu istraživanju meseca lender je opremljen i kamera koja će snimi-



ti Zemlju i druga nebeska tijela. Planirano trajanje misije je tri mjeseca.

Chang'e 3 je prvi lender koji je spušten na Mesec poslije 37 godina. Poslednji put na površinu Meseca spuštenu je Sovjetska sonda Luna 24, avgusta 1976. godine, četiri godine nakon poslednjeg leta sa ljudskom posadom (Apolo 17). Jujutu je treći rover na površini, prethodna dva bili su Ruski Lunohod 1 i 2.

Bez mobilnog se danas zaista ne može

Korisnici telekomunikacionih i tehnoloških usluga u svakodnevnom životu se sve više oslanjaju na svoje mobilne uređaje, a u anketi kompanije Erikson konzjumer lab pojedini su izrazili želju da u mobilnom telefonu imaju i aplikaciju za mjerenje krvnog pritiska, pulsa, broja koraka....

Erikson konzjumer lab sproveo je istraživanje u kojem je identifikovao 10 tehnoloških trendova u 2014, a po čijim rezultatima ulazimo u novu fazu, u kojoj korisnici zahtjevaju aplikacije koje će im pomoći u izvršavanju dnevnih obaveza, kupovinu, komunikaciju sa državnim institucijama.

Korisnici danas imaju naloge na velikom broju sajtova i društvenih mreža, a pamćenje šifara postaje "prava glavobolja", pokazale su studije u kojima je učestvovalo oko 100.000 ljudi iz više od 40 zemalja širom svijeta.

Upravo zato se povećava interesovanje za biometričkim alternativama. Prema Eriksonovom istraživanju, 52 odsto korisnika pametnih telefona želi da koristi otisak prsta umjesto šifre, a 48 odsto je zainteresovano za skeniranje zjenice oka kao načina za otključavanje telefona.

Čak 74 odsto ispitanika smatra da će pametni telefoni sa ovim opcijama biti uobičajena pojava u 2014.

Gotovo 40 odsto ispitanika je reklo da želi da njihovi pametni telefoni bilježe sve fizičke aktivnosti tokom dana, čak 51 odsto ispitanika istaklo je da je za njih mobilni telefon najvredniji uređaj, a za mnoge i jedini način da se povežu na internet.



Internet je postao sastavni dio svakodnevnog života, a rizik od toga da se bude "onlajn 24 časa" postaje sve veći.

Skoro 56 odsto ispitanika je izrazilo brigu za svoju privatnost, ali je samo četiri odsto istaklo da će zbog toga koristiti internet u manjoj meri.

Oko 60 odsto korisnika pametnih telefona očekuje da će do kraja 2016. senzori biti korišćeni gotovo u svim sferama njihove svakodnevne - od domaćinstva, stanja zdravlja, prevoza, šopinga, pa do radnog mjesta.

Erikson, posluje u 180 zemalja svijeta i zapošljava više od 110.000 ljudi. Kompanija koja se bavi telekomunikacijama i tehnologijom, osnovana je 1876. godine sa sjedištem u Stokholmu, u Švedskoj.

76 odsto IT profesionalaca i dalje koristi Windows XP

Studija nazvana „Kako preboljeti XP“, otkrila je koliko je ovaj operativni sistem i dalje prisutan 12 godina nakon njegovog predstavljanja.

Sudeći po rezultatima istraživanja, 76 odsto IT profesionalaca koristi Windows XP. Od tog broja, 36 odsto njih će napustiti Windows XP kada prestane podrška.

Ovo znači da će kada Windows prestane da obezbjeđuje bezbjedonosne nadogradnje i ispravke za operativni sistem, 27 odsto profesionalaca nastaviti da koristi ovaj OS.

Prebacivanje na Windows 7 je za većinu najčešći izbor - 96 odsto anketiranih stručnjaka izjavilo je da ga koriste, ili bi ga koristili na svojoj mreži u odnosu na 42 odsto stručnjaka koji su se odlučili za Windows 8 ili 8.1 dok je 30 odsto izabralo Appleov OS X.

Većina stručnjaka i dalje odbija da unaprijedi svoj operativni sistem usljed manjka sredstava, vremena i resursa.

Ovo istraživanje obavljeno je u oktobru 2013. godine i obuhvatilo je više od 1.300 učesnika.



Hyundai i10 osvojio nagradu “Autobest 2014”

Nova generacija Hyundaija i10 proglašena je od strane žirija Autobesta za najbolji novi automobil na tržištima u razvoju centralne i istočne Europe, ispred modela Peugeot 2008 i Nissan Note.

Hyundai i10 pobedio je u izboru “Autobest 2014” tako što je dobio ukupno 854 poena. Drugoplasirani Peugeot 2008 sakupio je 4 boda manje, odnosno 850 poena, dok se Nissan Note našao na trećem mjestu sa 726 bodova.

Osim ova tri modela u uži izbor ušli su još i četvrtoplasirani Chevrolet Trax i petoplasirani Mitsubishi Space Star.

Prilikom dodjele titule najboljeg automobila žiri uzima u obzir 13 kriterijuma, uključujući dizajn, cijenu, specifikaciju kao i upotrebljivost automobila. Članovi žirija su automobilski novinari iz 15 zemalja: Turske, Rusije, Ukrajine, Kipra, Grčke, Bugarske, Rumunije, Poljske, Slovačke, Češke, Mađarske, Slovenije, Hrvatske, Makedonije i Srbije.

“Ovo je prvi put u trinaestogodišnjoj istoriji ovog izbora da je borba između dvojice finalista bila toliko tijesna i neizvjesna”, prokomentarisao je ovogodišnje takmičenje predsjednik žirija, Ilija Seliktar.

On je dodao da je članovima žirija bilo veoma teško da se odluče između modela koji su zauzeli prva dva mjesta.

“Ponosni smo što je Hyundai i10 nove generacije pobedio u izboru Autobesta. To dodatno pokazuje da naši automobili prevazilaze očekivanja svojih kupaca”, izjavio je Allan Rushforth, potpredsjednik i direktor kompanije Hyundai Motor Europe.

Ovo je drugi put da je Hyundai osvojio titulu Autobest u posljednje tri godine. Predhodnu pobjedu kompaniji je donio model Elantra za 2012. godinu.

Hyundai i10 nove generacije imao je premijeru na auto-salonu u Frankfurtu, u septembru 2013, a prvi primjerci sišli su sa proizvodne trake pogona u Turskoj krajem godine. Kompanija je u fabriku uložila 500 miliona eura što je omogućilo povećanje proizvodnih kapaciteta na godišnjem nivou na preko 200.000 vozila.

Uključujući i fabriku u Češkoj, Hyundai sada ima godišnji kapacitet proizvodnje u Evropi od oko 500.000 vozila. Od 2014. godine, skoro 90% Hyundai modela koji se isporučuju evropskom tržištu proizvođače se na tom kontinentu.



one call

could save you 28%
on car insurance*

Call 1-855-297-3881 to see how much you could save.

esurance
an Allstate company

*National average annual savings based on data from customers who reported savings by switching to Esurance between 12/1/11 and 4/30/12.
© 2012 Esurance National Service, Inc. All rights reserved. CA License #0C001521

Olde Salem Apartments

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

**Za sve informacije na našem jeziku
obratite se Nermini. Tel: 770-963-7057**

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens.
Exit GA 120 East & turn right. Go about 1 mile to Langley Dr.
& turn right. Turn right at Constitution & turn right onto Stone
Mountain St. We are on the left.

*Prices & Specials Subject to Change.**With Approved Credit.

CALL FOR SPECIAL OFFERS*



NO APPLICATION FEE! **

Sedmi dio »Brzih i žestokih« u kinima u aprilu 2015.

Sedmi nastavak filmskog serijala "Brzi i žestoki" (*Fast and Furious*), čije je snimanje prekinuto poslije iznenadne pogibije glavnog glumca Pola Vokera, u kina stiže u aprilu 2015. godine, rekao je njegov kolega i zvijezda serijala Vin Dizel.

Dizel je na svojoj Fejsbuk strani postavio poruku "Paklene ulice 7" u kina stižu... 10. aprila 2015!" On je dodao: "P.S. On bi želio da saznate to prvi...", aludirajući na Vokera koji je poginuo 30. novembra 2013. u saobraćajnoj nesreći u Santa Klari u južnoj Kaliforniji.

Film o uličnim trkama prvobitno je bio planiran za 11. jul ove godine, ali je nakon pogibije glumca snimanje filma, a potom i premijera, odloženo na neodređeno vrijeme.

Voker je, piše Rojters, postao simbol kulture uličnih trka zahvaljujući svojoj ulozi policajca Brajana O'Konera u serijalu.

Filmovi iz serijala "Brzi i žestoki" zaradili su više od dvije milijarde dolara u kinima i jedna su od dvije vodeće

franšize, uz "Grozan ja", koje su vratile studio "Universal" na noge.



Penelope Kruz: Plesom i jogom održava liniju



Ugodini kada je rodila drugo dijete, španska glumica Penelope Kruz (39) ponijela je laskavu titulu najzgodnije poznate dame na svijetu, prema izboru uredništva američkog izdanja časopisa „Fitness“.

Ova lijepa brineta i dobitnica "Oscara" za epizodnu ulogu u melodrami „Ljubav u Barseloni“, našla se na prvom mjestu liste ostavivši iza sebe mnoge mlađe kolegice.

Tajnu brzog povratka u savršenu formu poslije porođaja jula prošle godine, kada je na svijet donijela djevojčicu Lunu, prelijepa Španjolka objašnjava mediteranskim jelovnikom, plesom i jurnjavom za djecom. Kruzova je u braku sa popu-

larnim španskim glumcem takođe oskarovcem Havijerom Bardemom sa kojim ima i dvogodišnjeg sina.

Ova ljepotica kaže da pored podizanja djece, ona uživa u vježbanju, plesu, jogi i pilatesu, koji je otkrila tokom trudnoće. Takođe, obožava da džogira, što je jedna od bitnih stvari kada je riječ o održavanju linije.

Nema neku posebnu dijetu, obožava mediteransku hranu, a tokom trudnoće je jela tjesteninu sa mocarelom i bosiljkom, i priznaje da joj je to jedan veliki porok.


Ipak, kao i ostale žene, priznaje da ima svoju slabost, a to su definitivno parfemi. Kaže da ima običaj da koristi različit parfem za svaki lik koji igra. Tokom cijelog snimanja određenog filma nosi određeni parfem, koji je kasnije podsjeća na lik koji je igrala.

Ističe da je njen omiljeni parfem "Lancome Trésor", koji koristi već 20 godina.

"Kada sam bila još tinejdžerka, vidjela sam predivnu reklamu za ovaj parfem koji je tada reklamirala Izabel Roselini. Pitala sam roditelje da mi kupe bočicu parfema 'Trésor', što su i učinili. Korisim ga od tada i kada god ga stavim, pred očima mi iskrsne reklama sa Izabelom Roselini", priča Kruzova.

Ona je promoter tog parfema i kaže da je to nešto najljepše što joj se desilo od tinejdžerskih dana, kao da je ispunila neki svoj davni san.

*Nobelovac Eli Wiesel je napisao predgovor ovoj knjizi u kome kaže:
"Dante nije bio u pravu. Pakao ne sadrži devet nego deset krugova.
Rezak Hukanović nas vodi do posljednjeg, najsmelijeg i srceparajućeg.
Ovo djelo je prepuno emocija i nevjerovatnih događaja, pisano od strane autora koji je
bio svjedok tragedije raspada bivše Jugoslavije. Imperativ je čitati i potruditi se da se
knjiga pročita."*



Prodaja:

011387 33 552 745

Izdavač
"BAYBOOK"
Radićeva 4,
71000 Sarajevo
www.buybook.ba

Bajern svjetski šampion

Fudbaleri Bajerna iz Minhena kompletirali su fenomenalnu sezonu u 2013. pobijediši Raža Kazablanku u finalu Svjetskog klupskog prvenstva, koje je održano u marokanskom Marakešu.

Bajern je slavio sa 2:0 i tako osvojio peti trofej u sezoni, drugi otkad je na klubi Pep Gvardiola. Španskom stručnjaku je ovo treći trenerski trofej na klupskom Svjetskom prvenstvu, a prethodna je dva osvojio sa Barselonom. Strijelci za bavarSKU ekipu bili su Dante u 7. i Tijago Alkantara u 22. minutu, a šampion Njemačke je tako i zvanično postao najbolja ekipa na planeti, što igrama jeste već skoro godinu dana.

Šampion Njemačke u finalu klupskog SP-a savladao Raža Kazablanku i osvojio peti trofej ove godine

Bajern iz Minhena je osvojio treći trofej klupskog prvaka svijeta, prije toga je bio najbolji 1976. i 2001. godine, ali nikada ranije nije nastupao na turniru koji se igra po sadašnjem formatu. Sa druge strane, Raža Kazablanka nije uspjela da Africi donese prvi trofej najboljeg kluba na planeti.

Marokanski kralj Mohamed VI bio je među hiljadama navijača Raža Kazablanke, ali ni on nije pomogao. Bavarci su već na startu preuzeli inicijativu, što im se isplatilo u sedmom minutu. Alkantara je izveo korner, Boateng je skočio na nekih 14 metara, lopta je došla do Dantea, koji je iz sumnjive pozicije pogodio za 1:0. Bajern je propuštao šanse sve do 22. minuta, kada je Alkantara duplirao prednost. Odlično je po lijevoj strani prošao Alaba, predriblao protivničkog beka, vratio loptu Špancu, koji je preciznim udarcem pogodio ugao sa nekih 16 metara. Ispostavilo se na kraju da je to bio i konačan rezultat susreta.

Trener Bajerna Pep Gvardiola izjavio je poslije utakmice da je ponosan na svoje igrače i navijače.

Šampion Njemačke u finalu klupskog SP-a je savladao Raža Kazablanku i osvojio peti trofej ove godine

“Pet trofeja u jednoj godini ogroman je uspjeh za Bajern. Igračima je bilo jasno da će morati da daju maksimum kako bi osvojili ovaj turnir. Igrali smo dobro prvih 25 minuta, ali poslije nismo stvarali

dovoljno pritiska. No, ne mogu tražiti sve, zadovoljan sam”, kazao je Gvardiola i dodao:

“Sada imamo dvonedjeljni odmor, pa ćemo da prionemo na posao kako bismo spremno dočekali naredne izazove. Srećni smo zbog postignutog, ali uvijek gledamo naprijed. Napunićemo se novom snagom i idemo dalje. Inače, u ovom finalu smo odlično igrali prvih dvadesetak minuta, a onda je naša agresija splasnula.”

Trener Marokanaca Faouzi Bencarti rekao je da je vjerovao u svoj tim, ali da njegovi igrači nažalost nisu uspjeli da sprovedu ono što je bilo planirano:

“Možda smo bili i pomalo nervozni u početku, ali u drugom poluvremenu meč je bio izjednačen, mogli smo i gol da postignemo. Uprkos tome, poraz 2:0 od Bajerna nije za sramotu.”

Fudbaleri brazilskog Atletiko Mineira osvojili su treće mjesto na Svjetskom klupskom prvenstvu pošto su pobijedili azijskog šampiona, kineski Guangzhou - 3:2. U zanimljivom duelu, koji je obilovao preokretima, šampion Južne Amerike je do trijumfa došao pogotkom u nadoknadi vremena i to sa igračem manje jer je samo nekoliko minuta ranije isključen Ronaldinjo, koji je i na ovom susretu postigao prelijep gol iz slobodnog udarca.

Riberi najbolji

Fudbaler Bajerna Frank Riberi proglašen je za najboljeg igrača Svjetskog klupskog prvenstva. Navijači su putem zvaničnog sajta FIFA glasali za najboljeg fudbalera turnira, a Francuz je u toj borbi pobijedio saigrača Filipa Lama. Inače, Bajern je dobio i nagradu za fer-plej..



Divlje jagode

Žestina, emocije i strast

Rok sastav "Divlje jagode", predvođen harizmatičnim Seadom - Zeletom Lipovačom, nakon deset godina je objavio novi album pod nazivom "Biodinamička ljubav", koji je pripreman i sniman nepune dvije godine.

"Kad te netko spomene" najavni je singl albuma, a snažna i emotivna pjesma izuzetno realnih stihova govori o trajnoj ljubavi koja nas proganja bez obzira da li je naša veza odavno završila.

"Biodinamička ljubav" je i deseti, odnosno dvanaesti album ovog benda ukoliko se računaju dva izdanja na engleskom jeziku, i nudi 11 pjesama. Uz već ranije objavljene singlove "Ne, nisam ja" i "Samo da znaš", na albumu se nalazi i njihova legendarna pjesma "Đavolji grad".

"Nakon 35 godina postojanja grupe, pjesama koje nikako 'da prođu', 12 snimljenih albuma, miliona prodanih ploča, kasete i CD-ova, nema potrebe objašnjavati što je umjetnik htio reći. Ja pripadam svima onima koji me žele i onima koji su se našli u mojim pjesmama. Pred vama je 12. album i 11 pjesama", kazao je Lipovača.

Na albumu kao gosti pojavljuju se i Marko Osmanović i Žanil Tataj, bivši pjevači "Jagoda", Ivana Peters, pjevačica grupe "Negativ", i Vladimir Kmoniček, bluz otkriće iz Osijeka.

Puni snage, kreativne i sviračke energije "Divlje jagode" u albumu "Biodinamička ljubav" nude strast, žestinu, osjećaje, energiju, emocije, magiju i unikatnu virtuoznost svojstvenu osnivaču

"Jagoda", gitaristi Zeletu.

"Biodinamička ljubav" nudi neke od instant classic hitova, svezremenske balade, galopirajuće hard 'n' heavy eksplozije, emotivne pjesme s moćnim i motivišućim refrenima, sve do bluz klasika", pojasnio je popularni Zele žanrovski numere na novom albumu.

Kako album nosi neobično ime i zagonetnu poruku, isto tako je i omot izazvao veliko interesovanje na Facebook stranici "Divljih jagoda", gdje fanovi pokušavaju da dokuče priču koja se krije iza zanimljivog dizajna.

Novi album za Hrvatsku izdala je "Croatia Records", a izdavač za Srbiju je "Jugoton Croatia Records" u saradnji s "Gold Aludio Videom"



BiH definitivno odustala od učešća na Eurosongu 2014.



Bosna i Hercegovina neće imati svog predstavnika na Eurosongu u Kopenhagenu.

Iako je prije mjesec dana Poslovni odbor Radio-televizije Bosne i Hercegovine donio odluku kojom su otvorena vrata za učešće Bosne i Hercegovine na 59. Eurosongu u Kopenhagenu, Upravni odbor BHRT-a na sjednici u Sarajevu odlučio je da nema novca za planirano samofinansiranje ovog projekta. Poslovni odbor je ranije smatrao da može realizovati projekt BH Eurosong 2014. pronalaskom sponzora, kako bi se zadovoljio interes gledalaca i slušalaca i spriječilo dalje udaljavanje od

EBU-a, najvažnije evropske asocijacije javnih servisa. Međutim, donesena je odluka da od učešća neće biti ništa.

U saopštenju Upravog odbora se navodi da će učiniti sve da se građanima naše zemlje osigura direktan prenos Eurosonga.

Saznajte šta vas očekuje sljedeće godine:

Numerološki godišnji horoskop za 2014.

Godina 2014. je u znaku broja sedam. Generalno će donjeti puno nepredviđenih okolnosti i dešavanja, podižući količinu adrenalina u našoj krvi. Kako da pronađete vaše tumačenje?

Ako ste rođeni 17.03. bilo koje godine, ovaj broj dopišete godini 2014 i jednostavno saberete sve cifre, ako dobijete dvo-cifren broj, njega svedite na jednocifren. Dakle: $17032014 = 1+7+3+2+1+4=18$, $1+8=9$. U odjeljku za broj 9 pronaći ćete Vaš horoskop za sljedeću godinu.

Jedinica

Poslije perioda mirovanja i završetka projekta koji vas je okupirao godinama unatrag, ovo je godina kada ćete dobiti neophodnu energiju i snagu da, hrabro, bez premissljanja i suvišnog odugovlačenja, krenete u akciju i uzmete stvar u svoje ruke. Prilika je ovo da zasijate i afirmišete svoju individualnost. Na tapetu su počeci: novi posao, izgradnja ili ulazak u novi objekat, ulaganje energije u pridobijanju pažnje i ljubavi novog partnera. Narednih 9 godina zavisice od vaših odluka donjetih u ovoj godini. Pokušajte da budete originalni jer vam izlizana i prepisana rješenja, od drugih, neće mnogo pomoći. Budite spremni i na težak, iscrpljujući rad, da bi realizovali zamišljene planove. Ovo nije godina kada će vam nešto lako ići od ruke. Ovo je i godina kada morate vjerovati u sebe i svoje mogućnosti. Vaše potrebe vam moraju biti u prvom planu i ukoliko sami budete cijenili sebe, to će vas više cijeniti i vaša neposredna okolina. Probajte da za svoj projekat dobijete podršku osobe koja vam može pomoći u realizaciji. Ne mislim na ortakluk. Ovo je i godina onih koji su spremni da preuzmu rizik na sebe.

Dvojka

Ovo je godina koja će od vas zahtjevati strpljenje i saradnju. Ukoliko se namjerite da učinite nešto veće, oslanjajući se samo na sopstvene snage, udarićete u zid koji nećete biti u stanju, sami, da preskočite. Mnogo ćete razmišljati i mnogo će se stvari dešavati na unutrašnjem planu. Emocije će biti u prvom planu i biće logičan nastavak onog što je započeto u prethodnoj, godini jedinice. Ove godine radite na izgradnji svog znanja, veština i tandemskog funkcionisanja. "Zajedno smo jači", neka bude deviza vašeg funkcionisanja ove godine. Strpljenje i čekanje na zrelu priliku, način je da se omogući rast i razvoj. Na emotivnom planu će biti dosta uspona i padova: kad pomislite da je u vašem odnosu, konačno, sve u redu, desiće se nešto što će vas izbaciti iz ravnoteže: doći će do naglog zahlađenja. Toplo-hladno, ljubav-nedostatak iste, smjenjivaće se u nepredviđenim talasima. Mnoge će dvojke otvoriti srce ali u njega neće ući osoba koju oni žele. Što se tiče karijere, na pomolu su promjene. Budite otvoreni za njih: najdalje odu oni koji uspeju da uhvate vjetar promjena!

Trojka

Ovo je godina u kojoj ćete moći da izrazite kreativnost, ma-

štu, inspiraciju i najdublje emocije. Ovo je godina kada bi mogli i trebali dosta vremena da posvetite sebi. Možete dobiti i dati toplinu na svim životnim nivoima. Budite umjetnički nastrojeni i probajte da u sve aktivnosti utkate radost, inspirativnost i maštovitost, osobine kojima ste, veoma, naklonjeni. Sljedite svoju želju za samopoboljšanjem jer je ovo godina stvorena za otkrivanje novih mogućnosti za unutrašnji rast. Pogotovu se to odnosi na prvu polovinu godine. Slobodno otvorite vrata vašem urođenom optimizmu i originalnosti i oni će vas odvesti gde god budete željeli. Biće ovo godina društvenih interakcija u kojoj ćete imati priliku da iskazete svoj altruizam i kosmopolitizam. Naravno, ako ga, iole, imate. Prilika je da se vaš društveni život poboljša do krajnjih granica i da uđete u neku društvenu grupu, čak političku partiju. Pojačajte ili dodajte malo životnih zadovoljstava jer se ne živi hiljadu godina. Emotivne veze će doživjeti ekspanziju ali se ne prepustite euforiji: ono što nije ili ne bude izgrađeno na čvrstim osnovama lako će pretrpeti krah. Istrajnost u gradnji karijere daće svoje, dugo očekivane, rezultate. Ako dosad niste bili posvećeni izgradnji karijere, ne možete očekivati spektakularne uspjehe na ovom polju. Mnoge će trojke imati šansu za zasnivanje radnog odnosa.

Četvorka

Ovo je godina posvećena realizaciji vaših zamisli po izgledu, kako prostora u kome obitavate, tako i svih ostalih čvrstih i nepromjenljivih formi. Izgradnja prostora koji zadovoljava vaše, najviše, estetske kriterijume. Moraćete dobro da zasučete ruke, mnogo više no obično, ali će iz toga nastati tvorevina kojoj ćete se diviti i na koju ćete biti ponosni narednih devet godina. Trud će se isplatiti. Što se emocija tiče, ukoliko ste već u vezi ona će imati uspone i padove, biće na testu izdržljivosti, a opstaće samo one koje su na zdravim osnovama i gdje su iskrene emocije u pitanju. Za slobodne, ovo je godina koja će vrvjeti novim šansama i stvarno bi trebalo da budete veliki probirač da ne izaberete ništa za vašu dušu. Na poslovnom planu budite krajnje vrijedni i predani poslu, jer je kazna više nego izvjesna, ako se opustite. Što se zdravlja tiče, pripazite se stresova jer vas oni mogu, direktno, odvesti u depresiju.

Petica

Godina je ovo kada će vam skoro sve ići od, i na, ruku. Originalnost i kreativnost biće lako prepoznata na vašem mjestu funkcionisanja. Bilo da je u pitanju porodica, emocije, partnerski odnosi ili karijera, prosto ćete se začuditi kako, odjednom, nailazite na razumjevanje svoje okoline. U svom djelovanju imaćete, toliko traženu, slobodu za preuzimanje i realizaciju inicijative. Morate se pripaziti da želje prilagodite svojim mogućnostima jer, u suprotnom, kola mogu krenuti nizbrdo. Džaba vam onda bunt i revolt jer ćete za nerealizovan projekat biti samo vi krivi. Ako vam zatreba podrška, uprkos činjenici da probleme volite da rješavate sami, najprije je možete dobiti od jedinice ili

četvorke. Bude li vam potrebna utjeha, jer su stvari otišle u neželjenom smjeru i popravke nema, najpre će vam je pružiti petica ili devetka. Ova godina traži dosta fleksibilnosti. Napori, koje ste imali u prethodne 4 godine, biće najbolje moguće izvednovani i vi ćete poželjeti očekivane nagrade. Vrijeme je i da nagradite sebe za uložene napore. Najbolja nagrada je neki duži, a ako niste pri parama kraći, put koji bi vam pomogao da se otarasite, nagomilanog, stresa. Na emotivnom planu će više sreće imati oni koji nisu u vezi ali se ni ovi drugi, ne mogu požaliti na status u vezi. Karijera ima sjajne preduslove za napredak, pogotovu ona u kojoj ste vi gospodar na palubi.

Šestica

Ovo je godina koja baca puno svjetlo na odnose sa porodicom, prijateljima, kolegama i zajednicom. Ovde je fokus na odgovornosti i želji da se bude drugima na usluzi. Fantastično vrijeme za pružanje ljubavi i stvaranje raznih vrsta veza. Vrijeme za uspostavljanje idealnog balansa na relaciji davanja-primanja. Može vam se desiti ljubav i strast. Sa njima će i kreativnost porasti. Dobijenu energiju možete uložiti u neke kreativne poduhvate, u porodicu ili humanitarne aktivnosti. Sada je prilika da spoznate vaše slabosti zbog kojih, često, remetite međuljudske odnose. Razmislite kako bi mogli da poboljšate i obogatite emotivni odnos sa partnerom i bližom okolinom. Dodajte iskrenost u odnose i oni će se višestruko poboljšati. Život ukasite i ljepotom, kako u domu tako i u radnom okruženju. Poboljšajte svoj imidž jednostavnim zamjenom nekih modnih detalja ako nemate novca za nekoliko novih kompleta. I promjena frizure će dati svoj efekat. Došla je godina kada bi trebalo razmisliti o tome kakvu hranu jedete. Ukusna hrana nije garant zdravlja te ako imate problem sa kilažom, uradite bar test intolerancije ako nemate novca za nutricionistu. Na pomolu je nova ljubav i ako ste već u braku, budite oprezni da vas neko „ne smota“ pa da povredite stalnog partnera. Slobodnima je polje ljubavi široko otvoreno. Nezaposleni će imati priliku za zasnivanje radnog odnosa.

Sedmica

Poslije godine pune odnosa sa okolinom došla je ova koja predstavlja vrijeme unutrašnjih refleksija, nešto slično uzimanju odsustva iz javnosti. Imaćete priliku da kroz razmišljanje i samosvjest preduzmete korake kako bi poboljšali sopstvenu prirodu. Prilika je ovo da postavite „čuvena“ pitanja tipa: Šta je svrha moga života? Na kom sam životnom kolosjeku? Da li ću stići tamo gdje sam se uputio? Samoća će vam biti potrebna da smirite um, pojačate intuiciju i stupite u kontakt sa srcem. Pogodno je da počnete da vodite dnevnik svakodnevnih impresija ili čak, da počnete da blogujete. To će vam pomoći u samootkrivanju i pristupanju bazi unutrašnje mudrosti. Meditacija je kao stvorena za ovu godinu. Razmislite i o tome da li brinete o nečemu. Ukoliko je odgovor pozitivan, to je znak da ne živite u sadašnjem trenutku ili, što je još bolnije: na sporednom kolosjeku ste. Napravite listu prioriteta jer vam se može desiti da ne uradite mnogo bitne stvari u životu. Biće ovo godina kada bi mogli da povedete računa o svom zdravlju: da li spavate dovoljno, da li se dovoljno odmarate, da li se ispravno hranite? Na emotivnom planu, svakako će biti podvlačenje crte i odluka tipa: sa partnerom hoću/neću da nastavim dalje. Na polju karijere, pod ispitivačkom lupom će biti svi ugovori.

Osmica

Poslje boravka u sedmici, u prošloj godini, vrijeme je za povratak iz unutrašnjeg u spoljni svijet. Nakon spoznaje unutrašnjeg odraza, budite spremni na spoljnu manifestaciju svega onog što ste radili u zadnjih 7 godina. Materijalna pitanja, karijera i svjetovna postignuća, apsolutno dolaze u prvi plan.

Vrijeme je da razmislite koje oblasti u vezi porodice i doma bi trebalo da dožive reorganizaciju, regeneraciju ili transformaciju. Možda je vrijeme da preselite u veću kuću ili stan, možda je, u novonastaloj situaciji, dom postao nefunkcionalan pa ga treba preurediti, pregraditi itd. Ako ste planirali zamjenu kola ili sličnih materijalnih stvari, učinite to u ovoj godini. Razmislite o bezbjednom mjestu za vaša dokumenta. Na zdravstvenom planu osnažite psiho-fizičko stanje time što ćete uvesti nov režim ishrane i fizičke rekreacije.

Pravo je vrijeme i da karijeru izbacite u fokus. Potrudite se da drugi saznaju za vaše vještine i talente, nije dovoljno da samo vi i uzak krug ljudi oko vas bude toga svjesno. Godina je ovo za sopstveni biznis, ako imate aspiracije ka tome ili promjenu kursa u postojećoj karijeri.

Probajte da se približite ili upoznate ljude koji su postigli životne ciljeve, koji su slijedili životne snove. Dajte sami sebi neko priznanje ove godine. Ne potcjenjujte sebe i odbacite, odvratani, bezrazložni, osećaj krivice, koji vas sputava i ne dozvoljava da poletite i dostignete visine o kojima sanjate. Nabavite štivo o afirmacijama i svakodnevno se motivišite!

Devetka

Kao i sedmica, ova godina vas poziva da pažnju obratite na svoj unutrašnji svijet. Upravo završavate devetogodišnji ciklus, i od toga kako ste radili, zavisice ocjene u vašoj diplomi. Vrijeme je da se završe mnoge oblasti vaših iskustava. To će vam pomoći da se slobodnije krećete u narednih devet godina, da ne nosite nepotreban prtljag. Ovo je godina za puštanje niz vodu mnogih dosadašnjih očekivanja i nadanja, koja se nisu primila i spremanje za anticipaciju novih mogućnosti u životu. Zahvalnost i saosjećanje posebno su važni u ovom vremenu kao i spajanje sa okruženjem i odnosima koji se vole i neguju. Ovo je vrijeme da napravite veliko spremanje u vašem domu. Pregledajte plakare, ostavu, čak i tavan. Otarasite se nepotrebnih stvari: poklonite ili bacite i napravite mjesta za nove koje će doći u narednih 9 godina.

Vrijeme je i da razmislite o svom zdravlju, prvenstveno mentalnom. Možda je potrebno izmjeniti nešto u vašoj ishrani ili spoljnom izgledu. Napravite zdravstveni i rekreativni plan koji vas najbolje podržava na mentalnom, emotivnom, fizičkom i duhovnom planu. Napravite spisak kome i zbog čega ste zahvalni, u životu. Mnogo će vam on pomoći da napravite scenu za sljedeći ciklus od devet godina. Da ne zaboravim: ove godine obavezno otidite kod zubara: isplanirajte pažljivo taj odlazak iako, po vama nije neophodan.

Godina je ovo i za provođenje dosta kvalitetnog vremena sa porodicom, bliskim okruženjem i prijateljima. Oni to, sigurno, zavređuju. Poradite na iskrenoj komunikaciji. Posjetite i mjesta iz prošlosti koja su bitna za poziciju u kojoj, trenutno, funkcionišete. I ovo je dobar način da se bolje pripremite za naredni ciklus od 9 godina.

**OVAN** (21.03 - 20.04)

Ljubav: Slobodni pripadnici ovog znaka imaju prilike da uđu u strastvenu vezu.
Zdravlje: Solidno.

**BIK** (21.04 - 20.05)

Ljubav: Slobodni pripadnici ovog znaka će ovaj mjesec uglavnom provesti okruženi prijateljima i porodicom. Zdravlje: Krajem mjeseca su moguće manje infekcije respiratornih organa.

**BLIZANCI** (21.05 - 20.06)

Ljubav: Zauzeti pripadnici ovog znaka će naredni mjesec provesti u okruženju poslovnih partnera, pa se partner može osjetiti zapostavljenim.
Zdravlje: Moguće glavobolje.

**RAK** (21.06 - 20.07)

Ljubav: Rakovi koji su u vezi mogu iskoristiti ovaj mjesec kako bi svoju vezu ozvaničili.
Zdravlje: Moguće povrede.

**LAV** (21.07 - 21.08)

Ljubav: Slobodni Lavovi će ovaj mjesec provesti kod kuće, uslijed nestašice sredstava za svoje lude provode.
Zdravlje: Posjetite stomatologa.

**DJEVICA** (22.08 - 22.09)

Djevice ovaj mjesec ne bi trebale razmišljati o promjeni mjesta boravka.
Ljubav: Težit ćete konstantnoj zabavi.
Zdravlje: Solidno.

**VAGA** (23.09 - 22.10)

Ljubav: Ovog mjeseca bit ćete raspoloženi za manipulisanje osjećanjima drugih i lažima.
Zdravlje: Moguće su stomačne tegobe zbog pretjeranog unosa nezdravih materija.

**ŠKORPIJA** (23.10 - 22.11)

Škorpije ovog mjeseca mogu upasti u ozbiljne finansijske probleme.
Ljubav: Škorpije će ovaj mjesec uglavnom provesti u krugu porodice. Zdravlje: Solidno.

**STRIJELAC** (23.11 - 20.12)

Ljubav: Zauzeti pripadnici ovog znaka će ovog mjeseca biti obasipani pažnjom i ljubavlju.
Zdravlje: Unos alkohola i opijata svedite na minimum.

**JARAC** (21.12 - 19.01)

Ljubav: Slobodni Jarčevi će neodoljivo djelovati prema suprotnom spolu.
Zdravlje: Odlično.

**VODOLIJA** (20.01 - 18.02)

Ljubav: Vodolije koje su u vezi ili braku ovog mjeseca mogu očekivati nepovoljan odnos sa partnerom.
Zdravlje: Zdravlje će vam ovog mjeseca biti promjenljivo i bilo bi preporučljivo da posjetite ljekara.

**RIBE** (19.02 - 20.03)

Ljubav: Zauzete RIBE ovog mjeseca mogu očekivati mnoga prijatna iznenađenja.
Zdravlje: Mogući su bolovi u donjem dijelu leđa i nogama.

Mala riznica velikih misli

**Leonardo da Vinci** (1799 - 1850)

Svaka naša spoznaja počinje sa osjećanjima.

**Winston Churchill** (1874 - 1966)

Bio jednom neki čovjek koji je prodao kožu hijene dok je zvijer još bila živa i koji je poginuo loveći je.

**Buda** (560 - 480 p.n.e.)

Sve što postoji nestvarno je. Jedino kad bi nam mudrost omogućila da to shvatimo, nestalo bi iskušenja svake boli. U tome se sastoji put do čistoće.

**Mahatma Gandhi** (1869 - 1948)

Nenasilje u svojoj dinamičnoj formi znači svjesnu patnju. Ono ne znači pokoriti se volji onoga koji ti nanosi zlo, već znači odmjeriti se cijelom svojom dušom sa voljom tiranina.

**Ivan Cankar** (1876 - 1916)

Što brbljate! Narod će sam sebi pisati presudu; neće mu je pisati ni frak ni mantija.

Ublažite stres: 20 načina da se opustite u samo pet minuta

Gotovo svakodnevno smo izloženi stresnim situacijama koje nas ponekad dovode do granica, ali ima načina da se opustimo u samo pet minuta...

1. Popijte zeleni čaj

Umjesto da pozelenite od bijesa skuhajte šolju zelenog čaja jer ćete se umiriti zbog blagotvornih sastojaka koje ima, posebice tanina.

2. Pojedite malo tamne čokolade

Tamna čokolada reguliše nivo hormona stresa kortizola i stabilizuje metabolizam, savjetuje magazin Women's Health.

3. Kašičica meda

Zamijenite stres kašičicom meda. Osim što je prirodni antibiotik, med pomaže protiv depresije i anksioznosti.

4. Žvačite žvakaću gumu

Bez obzira koji okus odabrali, u stresnoj situaciji nekoliko minuta prožvačite žvakaću gumu. To će sniziti nivo kortizola i opustiti vas.

5. Meditirajte

Ne morate otići negdje daleko da biste meditirali pet minuta. Potrebno vam je samo malo mira i tišine, nekoliko dubokih udaha da opustite tijelo i dođete k sebi.

6. Brojite

Kada vam prekipi probajte se skoncentrisati i prvo polako brojati do 10, a zatim unazad.

7. Vizualizirajte

U teškim trenucima probajte nekoliko minuta misliti na stvari koje vas vesele. Primjerice, čim prođe sastanak zbog kojeg ste napeti, otići ćete s dragom kolegicom na kafu i otpustiti kočnice.

8. Zatvorite oči

Brzinski se opustite na radnom mjestu i zatvorite oči te probajte sve negativne misli izbaciti iz glave. Lakše ćete se skoncentrisati i vratiti fokus na ono što vam je bitno u tom trenutku.

9. Masirajte ruke

Ako puno radite na kompjuteru s mišem i tastaturom, možete se malo opustiti masažom ruku odnosno šaka.

10. Stisnite stres lopticu

U situaciji kada vam kolega digne pritisak pa ga trenutno želite udariti, uzmite malu stres lopticu u ruku i stisnite nekoliko puta. To je vrlo lako i jednostavno rješenje koje neće dovesti ni do kakvog incidenta.

11. Hladna voda

U trenucima panike i nemira otidite do kupaonice i

pustite hladnu vodu po zapešcima i malo stavite iza svakog uha. To ćete najprije ohladiti pulsirajuće arterije i doći ćete k sebi.

12. Počešljajte se

Možda se čini smiješnim, ali oko ste se uznemirili i imate češalj pri ruci, temeljito se počešljajte. To će vas umiriti, a i popraviti ćete si frizuru i odmah se bolje osjećati.

13. Sami sa sobom

U stresnim situacijama najbolje je uzeti pet minuta i otići u prostoriju u kojoj nema nikoga. To će vam dati osjećaj da imate slobodu i u nekoliko minuta sredit ćete svoje misli.

14. Potražite sunce

Jeste li primjetili kako nas sunce uvijek oraspoloži? Čim vas pritisne stres ili neka neugodna situacija potražite malo sunca i samo upijajte njegovu energiju nekoliko minuta. Sigurno ćete se osjećati pozitivnije.

15. Pogledajte kroz prozor

Problemi u uredu ponekad se čine nerješivi, a obaveze nepodnošljive. U takvim trenucima nije loše zagledati se pet minuta kroz prozor i pustiti misli da odlutaju. Potražite zelenilo koje će vas umiriti i začas ćete biti bolje volje.

16. Kreativni nered

Nije loše imati malo kreativnog nereda oko sebe, posebno ako ste takav tip osobe. No u slučaju da ste pretjerali s neredom na radnom stolu, može vas gušiti, a da toga niste ni svjesni. Za osnovno pospremanje radnog stola ne morate gubiti puno vremena, a tada će biti lakše izvršavati radne obveze i rješavati probleme.

17. Istegnite se

Malo istežanja neće vam oduzeti puno vremena, a odmah ćete se osjećati bolje. Sjedenje za kompjuterom ili stalno stajanje psihički i fizički nas može jako opteretiti, a malo vježbe poboljšat će cirkulaciju i protok kisika kroz tijelo pa ćete imati bolju koncentraciju.

18. Trčite na mjestu

Ako ste u skućenom prostoru i nemate volje za istežanja, meditaciju ili neku drugu aktivnost, frustraciju izbacite trčanjem na mjestu.

19. Prošećite

Brza šetnja po spratu zgrade ili, još bolje, vani svaka-ko će pomoći da svladate navrle osjećaje i brzo se umirite.

20. Sjetite se dobrog vica

Da, sigurno ima neki vic koji vam je smiješan makar ste ga čuli puno puta. Malo smijeha u stresnoj situaciji dobro će doći.

su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

7	4	8	2	9	6	3	5	1
6	1	2	3	4	5	7	8	9
3	5	9	1	8	7	2	6	4
4	9	7	6	2	3	8	1	5
1	3	6	8	5	4	9	7	2
2	8	5	7	1	9	6	4	3
9	7	3	5	6	1	4	2	8
5	2	4	9	7	8	1	3	6
8	6	1	4	3	2	5	9	7

2		9		1	4			5
		3		8	6	9		
		1		5			3	
9		4				1		6
	8			6		4		
		2	1	4		7		
5			8	9		3		1

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
[] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



U avionu se vozili: Rus, Nijemac, Bahreinjanin i Bosanac. Lete oni iznad Rusije i Rus baci bocu plina. I pitaju ga:

- Zašto si to bacio?
- Ma ima puno kod nas plina.

I dalje oni lete. Nalete iznad Bahreina i Bahreinjanin baci kanistar nafte, pitaju ga ovi:

- Zašto si to bacio?
- Ma ima toga puno kod nas. I tako oni dolete iznad Njemačke a Bosanac se javlja:

- "Nijemac, nemoj ni da pomišljaš na to!"



- Kako terorista iskazuje ljubav djevojci?
- "Oš bona da ti skinem avion s neba!"



Izašao Bosanac na ispit na Medicinskom fakultetu

Profesor ga upita:

"Kolega, da li mi možete odgovoriti šta je to bakterija?"

Bosanac razmisli koju sekundu, pa reče:

"Tačno objašnjenje na latinskom ne znam reći."

Profesor će na to:

"Pa dobro, hajde objasnite to na bosanskom, samo da je tačno."

I odgovori Bosanac ovako:

"Bakterija je šejtan baja koja živi u havi i kad uđe u isana i ufati fursata ne odeš li hećimu za heftu dana, vala ne gine ti dženaza!!!"



Sudija pita Muju:

- "Jesi li ti prije deset dana ukrao bačvu rakije?"

- "Jesam!"

- "Policija je kod tebe našla praznu bačvu. Gdje je rakija?"

- "Popio!"

- "Pa nisi valjda za deset dana popio cijelu bačvu rakije?"

- "I nisam, vala, popio sam pola."

- "A šta je sa drugom polovicom?"

- "Prod'o!"

- "A gdje su pare?"

- "Popio!"

VICERVI

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem kuću na sprat 117m2 u Novom Travniku, centar grada. Mali poslovni prostor. Cijena po dogovoru. Tel: 01149 703 123 5002

Prodajem stan; Podlugovi, zgrada željeznička stanica, papiri 1/1, 54m2, potrebna adaptacija. Tel: 206-969-4447

Prodajem zemljište, površina 5000 m2, sa kućom i pomoćnom zgradom, koje se nalazi pored puta Banovići-Živinice, mjesto Donja Višća. Tel: 713-773-1098 ili 011387-65-344-458

Prodajem stanove od 40m2 do 53m2 u Banja Luci-Novakovići,

nova gradnja sa terasom, blindo vrata. Tel: 616-970-6504.
E-mail: enkozdz@yahoo.com

Prodajem dva dvosobna stana u Sarajevu: Grbavica 52m2 i Hrasnica 42m2. Zemljište 5000m2/Blatnica-Mostar. E-mail: susac@rogers.com

Prodajem stan u Zenici. Cijena po dogovoru. Tel: 314-664 -8919

Prodajem kuću, predgrađe Sarajeva, 140m2, telefon, struja, voda, 4 duluma zemlje sa 108 voćaka. Tel: 011381 64 886 2544

Prodajem nedovršenu vikendicu na Vlašiću sa svim urednim papirima. Tel: 678-313-9914

Prodajem trosoban stan 83m2, III sprat u Lukavcu, novi dio grada. Namjestena kuhinja, blindirana vrata i jos mnogo toga. Tel: 904-514-2133

Prodajem renoviran stan u Zavidovićima kod bolnice, 76,5m2. Montaža. Cijena 60,000.00km. Tel: 904-739-0424

Prodajem kuću sa stvarima u Dvorovima površine 56m2 sa 2 duluma okućnice i voćnjakom. Kuća ima gradjevinsku dozvolu za eventualnu dogradnju. Tel: 619-913-7914 ili 858-558-0664

Prodajem kuću, Krajišina, Stolac. Nova gradnja, dvospratna, 1 dulum i 225m2. Papiri 1/1. Tel: 260-482-

8013 ili 260-445-6093

Izdajem trosoban stan, Lawrenceville. Tel: 678 793 5400

Izdajem dvosoban stan sa dva kupatila na predivnoj lokaciji South County-St. Louis, MO 63125
Tel: 314 532 3066

Razno

Divorced man 50,5'10", 200lb, black-gray hair, black eyes, non-smoker, looking for woman.

E-mail:
vatroslavkvadratic@yahoo.com

Žena 60. godina, živi u Njemačkoj, željela bi da upozna muškarca radi druženja i mogućeg braka.
Tel: 01149 703 123 6738, Anka.

Prodajem kamion VOLVO 670 2003-950.000 milja, nove gume, hladnjak i mijenjač. Cijena \$12.000
Tel: 404-660-8229

Čuvala bih djecu u mojoj kući u Grayson-u. Tel: 678 333 6493

Bezbjedno čuvanje Vaše djece.
Tel: 404 819 3419

Traži se žena za čišćenje kuća. Fleksibilni sati. Mogućnost dobre zarade. Sve informacije na telefon: 404-547-7017

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic Design Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM



 **\$1.290**

AUTOMOBIL



\$1.390

SUV/VAN



\$690

MOTOR



\$790

JET SKI/ATV



\$99

PAKET



od \$100

NAMJEŠTAJ

(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271